





5.3.84



CAIETANI MIGLIORE

VTRIVSQ. IVR. AC S. THEOL. DOCTORIS

FERRARIENSIS ROTAE QVINQVEVIRI

IN FERRARIENSI ARCHIGYMNASIO STVDIORVM PRAEFECTI,

ET ELOQVENTIAE, AC ROMANARVM, GRAECARVMQVE

ANTIQVITATVM PROFESSORIS

RAVENNATIS ARCHIEP. IN FERRAR. DVCATV VICARII

Regiae Florentinae Litterarum Academiae, Regiae Etruscae Cortonensis

Antiquitatum, Neapolitanae Archiepiscopalis Ecclesiasticae, ac

Patavinae Scientiarum, et Artium Socii

INSCRIPTIONES ET CARMINA

EDIDIT

ANTONIUS IOS. TESTA PHIL. ET MED. DOCT.

IN M. FERRARIENSI NOSOCOMIO MED. ET CHIRVR. P. P. &c.

Regiae Parisiensis Med. Soc. Florentinae, Cortonensis,

Regiae Taurinensis Scient. ac Regiæ Parisiensis

Musei Corresp. Extr.



FERRARIAE APVD HEREDES IOSEPHI RINALDI

ANNO MDCCLXXXIX.

731

D. DACIERIO

REGIAE PARISIENSIS INSCRIPTIONVM
ET HVMANARVM LITTERARVM ACADEMIAE
A SECRETIS δις βίον.

ANTONIUS IOS. TESTA S.P.D.



Cum suave cuique sit in patriam reverso, eorum omnium, quos in itinere cognovit, memoriam repetere; tum longe jucundius, eos potissimum cum amicis commemorare, qui ingenio, ac doctrina, ceterisque animi virtutibus ad litterarum gloriam nati videntur. Iam hinc vides, DACIERIE doctissime, quorsum mea haec evadat Epistola. Neque vero posthac miraberis, si nil tam crebris usurpare soleam sermonibus, quam suavissimos eos dies, in quibus Te coram adloqui, tua consuetudine frui, tuas adeo interiores litteras, ac versatile ad omnia ingenium mirari dabatur. In quo illud singulare, ac tuum ferme

totum est, *Vir humanissime*, quod quantum ceteris ingenio ac doctrina, tantum animi ac morum suavitate facile antecellis; ut ipso in sermone, ipsis in actibus, in ipso denique oris, vultusque habitu, tua illa semper ultro cuique se prodat anima candidissima. Id enimvero in causa fuisse arbitror, cur me novum hominem non in tuam modo, sed et in aliorum gratiam rapueris: optatissimum sane extero homini beneficii genus, in quod utinam perpetuo sat multi parato essent animo. Praeterea cum in amplissimam Regis Bibliothecam mihi per *Ferias*, quod ferme nemini licet, aditum impetraveris; meis in re litteraria exercitationibus, quantum in Te erat, prodesse studuisti; tum vero maxime per eos dies, in quibus in *Gallicae Encyclopediae* partem, quae medica est, nonnulla rursus articulatim conscribenda, effusa mihi amicorum voluntas obtulerat.

Interea quum mihi a studiorum tuorum communione remotissimo, quid Tibi contra de meo penu rependerem, deesset; alieno acre forte fortuna subventum est; atque ita quidem subventum, ut studiis, quae tua sunt, perapposite, meae vero, quod oportuerat, necessitati nil opportunius quadraret. Nempe cum in manus Latinae Inscriptiones casu venissent, quas *Cajetanus Migliore*, castigatissimus rei antiquariae cultor, non invita *Minerva* condiderat, partim quidem editas, partim vero ab Auctoris scrinio furtiva amicorum blanditiae subreptas, unum in librum, quasi disiecta unum in corpus membra, compingere curavi; iisque restitutis, quis exscriptorum imperitia maculaverat, earum volumen nec Tibi, nec ceteris displicere

turum putavi. Nonnulla etiam ejusdem Auctoris Latina Carmina adnectere oportuit, quorum pleraque cum Inscriptionibus ipsis ita colligata erant, ut eorum alterum sine altero stare non posset. Accedebat, quod uno patre consimiles perinde foetus, compari elegantia, et numerosa styli dignitate, haberent similiter, quibus beatissima illa Italiae tempora nitidissima dictionis puritate inter nos restituta laetaremur.

Ad Inscriptiones quidem quod attinet, omnis ferme generis habes. Aliae enim Honorariae principibus Viris, illustribusque senibus e re nata positae, eorum facta, et commeritos in vita honores exhibent; cujusmodi quae Pio VI. bonarum artium ad Augustacam dignitatem restitutori Ferrariensium Collegia constituerunt. Item quae Franciscum Carafam S. R. Eccl. Cardinalem amplissimum spectant, quod Urbem hanc nostram in eum auxerit modum, ut quantum litteris Ariostaco nomine ceteras urbes vel vincebat, vel saltem aequabat; tantum viarum magnificentia, et regali intus forisque majestate, ceteris denique publicis, privatisque operibus aut pariter vinceret, aut certe aequaret. Aliae item pietatis ergo sepulchris affixae. Temporariae item aliae, ac praesertim funebres; ut illae, quae inter publicam moeroris pompam, novo scilicet, ac splendidissimo omnium ordinum ad parentalia conventu, nuper Ferrariae Alphonso Varano sunt positae; cujus spectatissimae nobilitati suppar ingenium sic Musis, et Apollini complacuit, ut eo decedente, non unus interiisse poeta, sed multi viderentur. Aliae similiter, quae publicorum, privatorumque operum, ac locorum sunt; tum quae festos

Coelitum apparatus, ac profanas item pompas complectuntur. Postremo et quae mixti sunt generis, tum simplici, tum ornata dictione, ut res ipsa expostulabat, exaratae; in quibus singulis quidquid vetustae sit simplicitatis, ac munditiei, ecquid ego Tibi earum rerum judici acerrimo dicere occupavero? Vnum tamen, quod non facile alibi invenias, habes, Senatusconsultum Nuptiale, quod Gratiarum nomine cudit Auctor. Nam Veneres omnes, omnes eum in locum elegantias sic ille congegit, ut neque fictionis festivitati dictionis suavitas concedat, neque plus laudis scribendo, quam fingendo promeruerit: neque vero Gratiarum ipsae alio stylo edicere maluissent. Ceterum quum eas Inscriptiones quasi per saturam, nullo Classium ordine, typographo tradidissem, placuit earum per Classes Prospectum in fine subicere.

Veruntamen dum tuo ista iudicio lubens sisto, plura, et sane maiora ejusdem Auctoris extare scias, quae publici juris jamdudum fecisset, si minus ipse sibi, limae diligentissimus, displicuisset. Ejusmodi est Ad Inscriptionem Flaviae Antoninae, sive de antiquis Iudaeis Italicis Commentarius, in quo veteres Italiae Iudaeos, eorumque epitaphia, quae scilicet neque Ethnica sunt, neque Christiana, percurrens, tertium Lapidariae Scientiae genus, aut omnino intactum, aut vix summis labiis adhuc gustatum, plenissime exhaurit. Ferrariensia item Marmora, quae eo vindice in lucis usuram prodeant, non minima gens exspectamus: non enim leve et patriae, et Italicae Historiae praesidium inde exortitum confidimus. Iam enim disciplinarum genus omne in dies apud nos fervet.

Sumus quippe conditione Ferrarienses beatissima, ut quidquid heic rei litterariae est, PII VI. beneficentia, ac Ioannis Mariae Riminaldii Cardinalis amplissimi liberalitate erga patriam incredibili, ipsomet denique Cajetano Migliore Studiorum Praefecto, geratur.

Interea quidquid in nobis erat, tuorum erga nos officiorum memores, Tibi, Vir Clarissime, dedimus, ut iucundissimum memoriae, et consuetudinis tuae monumentum aeternitati concredereamus. Tu contra me, ut facis, ama, et vale.

Datum Ferrariae Kalendis Decembribus 1788.

Die 4. Decemb. 1788.

I M P R I M A T U R

Fr. V. A. Cavalloni Vic. Gen. S. O. Ferrariae.

Die 8. Decemb. 1788.

I M P R I M A T U R

Dominicus Laurenti Vic. Generalis.





LATINAE PER SATVRAM
INSCRIPTIONES.

*In vestibulo Orationis editae Ferrariae pro sollemni
studiorum inauguratione.*

PIO. VI. PONTIFICI. MAXIMO
FELICI. AVGVSTO. PATRI. PATRIAE
PVBLICAE. FELICITATIS. CONCILIATORI
QVOD
ITINERIBVS. ELEGANTISSIME. COMMVNITIS
POMPTINIS. PALVDIVM. AQVIS
QVOD. FRVSTRA. MAIORES. TENTAVERANT. CORRIVATIS
APPIA. RESTITVTA. PROPAGATIS. AGRIS
COMMERCIO. AMPLIFICATO
PVBLICORVM. OPERVM. SVBSTRVCTIONIBVS
AD. ROMANAM. MAIESTATEM. A. SOLO. EXCITATIS
VATICANO. MVSEO. SIGNIS. TABVLIS
AEDIBVS. MARMORIBVS. OMNI. QVE. CVLTV
MAGNIFICENTIVS. ORNATO
FERRARIENSI. PRAESERTIM. ATHENAEO
REDITIBVS. BENEFICIIS. PRAEROGATIVIS. AVCTO
LITTERAS. ET. INGENVAS. ARTES
IN. SPEM. VETERIS. GLORIAE. RESTITVERIT
CAIETANVS. MIGLIORE
LIBELLVM. HVNC
RE. SATIS. TENVEM. OBSEQVIO. MAXIMVM
PRINCIPI. AD. AETERNITATEM. NATO
D. D. D. DEVOTVS. NVMINI. MAIESTATI. QVE. EIVS

In adventu Pii vi. ad Ferrariense Archigymnasium

Supra portam forinsecus.

A D V E N T V I

PRINCIPIS. AVSPICATISSIMO

PONTIFICIA. FERRARIENSIS. ACADEMIA

FELICITER

In atrio introrsum.

QVIDQVID. SVMVS

TVA. SVMVS. LIBERALITATE

PONTIFEX. CLEMENTISSIME

LITTERIS. RESTITVTIS. CENSU. AMPLIFICATO
LEGIBVS. CONSTABILITIS. IMMVNITATIBTS. AVCTIS

VNA. RESTABAT. QVAE. NOS. BEARET

AVGVSTA. ORIS. MAIESTAS

IO. PLAVDITE. ACADEMICI

VESTER. TOTVS. EST

VESTRO. VERSATVR. IN. GREMIO

PRINCEPS. INDVLGENTISSIMVS

Inscriptio perpetua.

PIO. VI

PONTIFICI. VERE. MAXIMO

QVOD. E. GERMANIA. ROMAM. REDIENS

FERRARIENSE. HOC. LYCEVM

ET. MAIESTATE. IMPLERIT. SVA

ET. FACILI. ORIS. SERENITATE. BEAVERIT

VIVIRI. ACADEMIAE. MODERATORES

PRINCIPI. MVNIFICENTISSIMO

PATRI. AMANTISSIMO

TANTI. MEMORES. BENEFICII. POSVERVNT

Ferrariae ad aedem Divi Dominici.

SISTE. PAVLLVLVM. QVISQVIS. ES
 PIVS. ILLE. SEXTVS
 HVMANI. GENERIS. DELICIAE
 QVI. GERMANICVM. ITER. NON. TAM. PASSIBVS
 QVAM. EGREGIIS. CONFECIT
 SVMMAE. VBIQVE. CLEMENTIAE. SIGNIFICATIONIBVS
 MOX. ROMAM. REDITVRVS
 CVM. FERRARIENSES. SVOS
 PLACIDA. IMPLERET. AVGVSTI. VVLTVS. MAIESTATE
 VNVM. HOC. PRAE. RELIQVIS. OMNIBVS. COENOBIVM
 XII. KAL. IVN. CIOCCCLXXXII
 PRAESENTIA. SVA. TAM. HVMANITER. RECREAVIT
 VT. IPSA. ORIS. SVAVITATE
 VERE. OMNIVM. MAXIMVS. VIDERETVR
 HOC. INTERIM. SCIRE. TE. VOLEBAM
 NVNC. ABI. ET. VALE

Ferrariae in Sodalitio ad aedem Diyi Dominici.

QVOD. PIVS. VI. GERMANIAM. ABITVRVS
 DVM. HEIC. FERRARIAE. SISTERET
 V. ID. MART. CIOIOCCCLXXXII
 AD. CONTIGVA. NON. PRIVS. DIVERTERIT. CVBICVLA
 QVAM. HOC. IN. ORATORIO
 PER. TEMPORARIVM. INGRESSVS. OSTIOLVM
 CVM. PATRE. LVMINVM. SIT. LOCVTVS
 POSTRIDIE. VERO
 INCRVENTO. HEIC. ADSTITERIT. SACRIFICIO
 SODALITHI. DENIQVE. SOCIOS
 AD. SANCTISSIMI. PEDIS. OSCVLVM. CLEMENTER. ADMISERIT
 EIVSDEM. SODALITHI. FRATRES
 NE. TANTI. INTERCIDAT. FACTI. MEMORIA
 TITVLVM. GRATI. ANIMI. TESTEM
 DEVOTI. NVMINI. MAIESTATI. QVE. EIVS. POSVERVNT



Ferrariae in Ecclesia Metropolitana.

PIO. VI. PONT. MAX
CATHOLICI. NOMINIS. AMPLIFICATORI
QVOD. E. GERMANIA. ROMAM. REDITVRVS
INDICTIS. PRAETER. OMNIVM. EXPECTATIONEM
IN. PROXIMO. HVIVS. TEMPLI. SACRARIO
CONSISTORIANIS. COMITIIS
ALEXANDRO. MATTHAEIO
FERRARIENSIVM. PASTORI. VERE. EVANGELICO
DESIGNATVM. TRIENNIO. ANTE
AMPLISSIMVM. PVRPVRAE. HONOREM
XI. KAL. IVN. CIOCCCLXXXII
INTER. OMNIVM. ACCLAMATIONES. DETVLERIT
EOQVE. NOMINE. ET. CATHEDRAM. DIGNITATE
ET. ECCLESIAM. ORNAMENTO
FERRARIENSES. DENIQVE. SVOS
AETERNO. AVXERIT. AMORIS. TESTIMONIO
METROPOLITANAE. ECCLESIAE. CANONICI
BENEFACTORI. MVNIFICENTISSIMO
AERE. SVO. POS. DEV. NVM. MAI. Q. E

In Ferrariensi Nosocomio.

COMMUNE . HOC
 INFIRMAE . HUMANITATIS . PERFIGIVM
 PIVS . ILLE . SEXTVS . P . M
 FERRARIENSIVM . PRINCEPS . AC . PATER
 DATIS . LITTERIS . CLEMENTIAE . PLENISSIMIS
 DITISSIMO . AVXIT . ANNO . REDITV
 ET . VT . TANTAE . PRINCIPIS . BENEFICENTIAE
 VTRAQVE . IN . POSTERVVM . CONSPIRARET . POTESTAS
 FERRARIENSI . LEGATO . ET . ARCHIEPISCOPO
 CVRANDVM . TRADIDIT
 ANNO . CIOCCCLXXXIV
 FRANCISCO . CARD . CARAFA . LEGATO
 ALEXANDRO . CARD . MATTHAEIO . ARCHIEPISCOPO
 SED . NE . FACTI . MEMORIA . EXCIDERET
 FERDINANDVS . CARD . SPINELLIVS , SVCCESOR . LEGATVS
 TITVLVM . GRATI . ANIMI . TESTEM . PONI . IVSSIT
 ANNO . CIOCCCLXXXVII

Ibidem .

INSTITVTAM . A . PIO . VI . P . M
 IN . PVBLICO . HOC . NOSOCOMIO
 MEDICAE . PRAXIS . SCHOLAM
 CARDINALES . PRAEFECTI
 ASSIGNATIS . DE . OMNI . MORBORVM . GENERE
 LECTIS . TRIGINTA
 APERVERVNT . VIII . ID . NOV
 ANNO . CIOCCCLXXXVI
 DOCENTE . PETRONIO . ZECCHINI
 FERRARIENSIS . ATHENAEI . PROF . PRIM

Ferrariae ad aedem Divi Benedicti.

QVOD. PIVS. SEXTVS
 PONTIFEX. VERE. MAXIMVS
 E. GERMANICO. ITINERE. IN. ITALIAM. REDVX
 COENOBIVM. HOC
 MAIESTATE. IMPLEVERIT. SVA
 ATQVE. ORIS. SVAVITATE. BEAVERIT
 BENEDICTINA. FAMILIA
 NE. TANTAE. VMQVAM. CLEMENTIAE
 MEMORIA. EXCIDAT
 TITVLVM. GRATI. ANIMI. TESTEM
 PON. CVR. AN. CIOIOCCCLXXXII

In ingressu Ferrariensis Praetorii.

ADITVM. HVNC
 CLEMENS. XIV. PONT. MAX
 ARCVBVS. ORNAVIT. AMPLIAVITQVE
 AD. HAEC
 EXTERNAM. INGRESSVS. FACIEM
 ET. QVAE. PONE. CONTINENTVR. CVBICVLA
 MVLTO. ELEGANTIVS. RESTITVIT
 ANNO. CIOIOCCCLXXXIII
 CVRANTE. SCIP. CARD. BVRGHESIO. LEG. A. LAT

Lugi in Romandiola.

EMPORIVM. ITALIAE. FREQUENTISSIMVM
 PORTICVS. ANGVSTIIS. AC. TEMPORARIIS. TABERNIS
 NEC. MERCATORIBVS. SATIS. APTVM
 NEC. MERCIBVS. TVTVM
 FRANCISCVS. CARD. CARAFA. NEAP. FERRAR. LEGATVS
 NE. QVID. IN. POSTERVVM. ADLICIENDIS. MERCATORIBVS
 NVNDINIS. AMPLIFICANDIS. MVNICIPIO. ORNANDO
 CONFLVENTIVM. DENIQVE. COMMODITATI. DEESSET
 EX. AREA. PRORSVS. VACVA. ET. ABNORMI
 IN. AVGVSTAM. HANC. FORMAM
 CVM. PORTICIBVS. ET. ORNAMENTIS
 ADDITO. STATIONARIO. MILITE
 AMPLIAVIT. ET. SVB. ASCIA. DEDICAVIT
 AN. CIOICCLXXXIII

In Comaclensi Nosocomio.

PVBLICVM. HOC
 INFIRMAE. HVMANITATIS. PERFVGIVM
 NE. RESTITVENDAE. IN. POSTERVVM. VALETVDINI
 AVT. INOPIA. OBSIT. AVT. SOLITVDO
 SEN. POP. Q. COMACLENSIS
 AERE. SVO. A. FVNDAMENTIS. EXSTRVXIT
 AC. CIVIVM. SALVTI. DEDICAVIT
 AN. CIOICCLXXXIV
 PII. VI. P. O. M. SEMP. AVG. AN. X

In fronte Argentani Statuti.

FRANCISCO. CARD. CARAFÆ
 FERRARIENSIVM. LEGATO
 QVEM. PER. DIVERSOS. MVNERVM. GRADVS
 FIDES. DEXTERITAS. CONSTANTIA
 AC. PAR. NOBILITATI. SVMMÆ
 IMPERTERRITVM. CATHOLICÆ. GLORIÆ. STVDIVM
 AD. ROMANAM. PVRPVRAM. EVEXERVNT
 QVO. AD. VENETOS. LEGATO
 MOX. ET. EPISCOPORVM
 AC. REGVLARIVM. NEGOTIIS. PRAEFECTO
 VEL. DIFFICILLIMIS. REI. CHRISTIANÆ. TEMPORIBVS
 PONTIFICIVM. DECVS. VBIQVE. STETIT
 QVO. DENIQVE. FERRARIENSIS. DITIONIS
 IAM. PRIDEM. PRO. LEGATO
 NVNC. PRAESIDE. VIGILANTISSIMO. INTEGERRIMO. QVE
 NOVVS. ACCESSIT. PROVINCIÆ. SPLENDOR
 LEGIBVS. AVCTORITAS. IVDICIIS. SANCTITAS
 AC. TEMPERATA. QVAEDAM. CVM. SVAVITATE. MAIESTAS
 ARGENTANÆ. TERRAE. DECVRIONES
 ANTEHAC. INEDITVM. MVNICIPALE. STATVTVM
 PRINCIPI. BENE. MERENTISSIMO
 GRATI. ANIMI. MONVMENTVM. DD. DD



Pro publica Philosophiae disputatione Lugi habita.

FRANCISCO. CARD. CARAE
PVBLICAE. FERRARIENSIVM. FELICITATIS
RESTAVRATORI
QVOD. SVpra. CETERAS
TOTIVS. PROVINCIAE. REGIONES
LVGIENSIBVS. SVIS
SE. PATREM. POTIVS. QVAM. PRINCIPEM. DEDERIT
NOVO. QVE. SANCTISSIMARVM. LEGVM. CODICE
AVCTIS. AERARII. RATIONIBVS
PVBLICAS. PRIVATAS. QVE. RES
BEATISSIME. CONSTABILIVERIT
IPSOS. ADEO. IRRVENTIS. FLVMINIS. IMPETVS
OPPORTVNE. AVERRVNCARIT
SPLENDIDIS. DENIQVE. OPERVM. SVBSTRVCTIONIBVS
COMMERCIVM. AVXERIT. DECVS. CONCILIARIT
PETRVS. ZACCARI. LVGIENSIS
QVALECVMQVE. HOC. LABORVM. SPECIMEN
RE. QVIDEM. SATIS. TENVE. AT. OBSEQVIO. MAXIMVM
LVGIENSIVM. PATRONO. MVNIFICENTISSIMO
DAT. DICAT. DEDICAT. LVBENS. MERITO



*Ferrariae in Foro vulgo Piazza Nuova ad basin Columnae
Alexandro VII. positae.*

In fronte primaria e regione aedis Bevilacquaorum familiae.

ALEXANDRO. VII

PONTIFICI. VERE. MAXIMO

QVOD. EFFVSISSIMAM. ERGA. FERRARIENSES

QVAM. PRIMIS. AB. ANNIS

HEIC. PROLEGATVS. EXPRESSERAT. VOLVNTATEM

IN. SVMMO. IPSO. CATHOLICI. NOMINIS. SOLIO

NON. SERVAVIT. MODO. SED. ET. FACILE. AVXERIT

AC. FERRARIENSIBVS. CIVIVM. TABVLIS

ADSCRIBI. PASSVS

NOVAM. PATRIAM

ANNVIS. REDITIBVS. LONGE. AVCTAM

AERE. ALIENO. AC. VECTIGALIBVS. LEVARIT

ORDO. POPVLVS. QVE. FERRARIENSIS

PONTIFICI. ^{1/2} ET. CIVI. SVO. BENEFICENTISSIMO

STATVAM. GRATI. ANIMI. TESTEM

PEC. SVA. PON. CVR. AN. CIOICLXXV

‘ b 2 .

E latere dextero.

HERCVLI. I. ATESTINO
 FERRARIAE. DVCI. SECVNDO
 PACIS. BELLI. QVE. ARTIBVS. FELICISSIMO
 QVOD. AMPLIATIS. VRBIS. MOENIBVS
 SPLENDIDISSIMA. HEIC. AEDIFICIA
 AVT. AB. INCHOATO. EXCITARIT
 AVT. ELEGANTIVS. RESTITVERIT
 QVOD. LITTERARVM. GLORIAM
 COMMERCII. FACILITATEM. AGRORVM. CVLTVM
 FERRARIENSIBVS. SVIS. CONCILIARIT
 S. P. Q. FERRARIENSIS
 ANNO. PRIMVM. CIOIO. T. STROTIO. SAPIENTVM. IVDICE
 NOX. ANNO. CIOIOCLXXV
 HERCVLE. MARCHIONE. TROTTO. SAPIENTVM. IVDICE
 PRINCIPI. BENEMERENTISSIMO
 TITVLVM. ALRE. SVO. POSVIT

E latere sinistro:

QVAM. ALEXANDRO. VII. P. O. M
 S. P. Q. FERRARIEN. ADHVC. VIVO. STATVAM
 IN. FORI. ANGVSTIIS. COLLOCAVERAT
 HANC
 LAVRENTIVS. CARD. IMPERIALIS. FERRARIAE. LEGATVS
 ET. HIERON. NOVARA. SAPIENTVM. IVDEX
 IN. CONSPECTISSIMVM. VRBIS. LOCVM
 HVC. TRANSFERRI. ET. BASI. SVPOSITA
 COLLOCARI. IVSSERVNT. AN. CICI^oCLX
 MOX. NE. SIGISMVNDI. CARD. CHISI. FERRARIAE. LEGATI
 DIGNVM. PATRVO. PONTIFICE. NOMEN
 VLLA. IN. POSTERVVM. DELERET. OBLIVIO
 HERCVLES. MARCHIO. TROTTVS. SAPIENTVM. IVDEX
 CETERI. QVE. VRBIS. X. VIRI
 MARMOREO. HEIC. TITVLO. INSCRIBI. CVRARVNT
 ANNO. CICI^oCLXXV

In parte aversa.

QVO. TEMPORE. HAEC. VRBS
 FRANCISCI. CARD. CARAFÆ. LEGATI
 DVCTV. AC. PROVIDENTIA
 DETERSIS. QVI. IAMDIV. SORDEBANT. AQVAEDVCTIBVS
 VIIS. INTRA. EXTRA. QVE. POMOERIVM
 SPLENDIDE. STRATIS
 FORO. BOARIO. SORDIBVS. EXPVRGATO
 LONGE. ORNATIONI. QVAM. ANTEA. VVLTV
 OMNIVM. SE. SE. OCVLIS. COMMENDAT
 VT. HOC. QVOQVE. MONVMENTVM
 ANNORVM. INIVRIA. FATISCENS
 AD. PVBLICAM. CONSPIRET. ELEGANTIAM
 STEPHANVS. COMES. GRATIADEI. SAPIENTVM. IVDEX
 AC. RELIQVI. VRBIS. X. VIRI
 MARMORIBVS. OMNI. QVE. CVLTV
 EXORNANDVM. CVRARVNT. ANNO. CIOCCCLXXXI

Parmae ad aedem Diyi Dominici.

FERDINANDO. PARMENSIVM. DVCI. PIO. FEL. SEMP. AVG
 QVOD. HOC. COENOBIVM. A. FVNDAMENTIS. EXSTRVXERIT
 ANNO. REDITV. LIBERALITER. AVXERIT
 ECCLESIAM. PRETIOSA. SVPELLECTILE
 AC. RARISSIMIS. DITAVERIT. SANCTORVM. LIPSANIS
 DOMINICANAE. FAMILIAE. FRATRES
 QVOD. VNVM. COENOBITICA. POTERAT. PAVPERTAS
 MEMORIAM. PRINCIPI. INDVLGENTISSIMO. P. C
 ANNO. CIOICCLXXXV

Ferrariae in Metropolitano Templo.

PERVETVSTAM. DEIPARAE. VIRGINIS. IMAGINEM
 IN. PROXIMI. VESTIBVLI. PARIETE. OLIM. PICTAM
 AC. PLVRIMIS. DISTINCTAM. PRODIGIIS
 TIOMAS. S. R. E. CARDINALIS. RVFFVS
 PRAENESTINVS. AC. FERRARIEN. EPISCOPVS
 RESECTO. MVRO
 VICINOQVE. ALTARI
 COLLATIS. PIORVM. HOMINVM. SYMBOLIS
 MAGNIFICE. EXSTRVCTO
 INSIGNI. POMPA. HVC. TRANSFERENDAM. CVRAVIT
 VIII. KAL. MARTIAS. AN. CIOICCCXXXIV

Ibidem.

QVOD. VIRGINEM. DEIPARAM
 DIVINAE. HOMINIBVS. CLEMENTIAE. CONCILIATRICEM
 IMMORTALI. IN. CAELIS. CORONA
 ANGELORVM. REGINAM. STATVERIT. DEVS
 AVREO. ETIAM. IN. TERRIS. DIADEMATE
 VETVSTISSIMAM. EIVS. IMAGINEM
 GRATIARVM. NOMINE. INSIGNEM
 VATICANAE. BASILICAE. CAPITVLVM
 EX. LEGATO. ALEX. SFORTIAE. COM. PALLAVICINI
 SOLLEMNI. RITV. CORONAT
 IO. PLAVDITE. FERRARIENSES
 ET. OMNIVM. GRATES. SEMPER. HABEAT
 QVAE. OMNIVM. VOTIS. NVMQVAM. DEFVIT

Ibidem.

SACRAM. HANC. DIVINAE. MATRIS. EFFIGIEM
 GRATIARVM. TITVLO. REVERA. INSIGNEM
 AC. VETVSTATE. OMNIVM. QVE. CVLTV. CELEBREM
 ALEXANDER. EX. DVCIBVS. MATILI
 FERRARIENSIS. ARCHIEPISCOPVS
 ANNVENTE. BASILICAE. VATICANAE. CAPITVLO
 EX. LEGATO. ALEXANDRI. SFORTIAE. COMITIS. PALLAVICINI
 MAGNA. CLERI. POPVLIVQE. FREQVENTIA
 PLAUDENTIBVS. OMNIBVS
 AVREO. DIADEMATE. SOLLENNI. RITV. DECORAVIT
 IX. KAL. IVNIAS. AN. CIOICCLXXIX

*In Nuptiis Laurentii Comitiss Rondinelli Ferrariensis
cum Celtrude Gnuia Bononiensi.*

LAVRENTIO . RONDINELLIO

PATRICIO . FERRARIENSI

SVAVITATIBVS. OMNIBVS. CIRCVMFLVENTI

QVOD . CELTRVDEM . GNVDIAM

PVELLVLARVM . FLOSCVLVM . ELEGANTISSIMVM

DOMVM . FELICITER . DEDVCAT

VIRTVTES . IPSAE

SIMILES . POSTHAC . NON . INVENTVRAE

TITVLOS . LAETITIAE . TESTES

AC . SOLLEMNEM . APPARATIONEM

LIB . LVB . POSVERVNT

SISTE . PARVMPER . QVISQVIS . ES

DIC . BONA . VERBA . ET . ABI

QVOD . BONVM . FELIX . FAVSTVM

FORTVNATVM . QVE . SIT . VTRIQVE . SPONSO . ET . PATRIAE



I.

IAM. SPONSA. CASTO. INGREDITVR. CVM. CONIVGE
AMOR. PRAEIT. FIDES. QVE. ET. ALMA. FAVSTITAS
IVNCTIS. PERERRAT. MANIBVS. CONCORDIA
HAC. RIDET. ILLAC. FREQVENS. VENERVM. CHORVS
POSTES. IVGALI. IMPEDIVNT. LAVREOLA
ROSAS. QVE. SPARGVNT. BLANDVLI. CVPIDINES
DVM. QVE. INTERIM. MORAE. IMPATIENS. FECVNDITAS
ZONAM. PVDICA. TREPIDAT. MANV. SOLVERE
SILENTIOSO. NOX. ADEST. PAPAVERE

II.

QVID. OTIOSI. QVID. MORAMVR. CONIVGES
IAM. IAM. REPOSTIS. FATVM. E. PENETRALIBVS
ALTO. FVTVROS. REVOCANS. SILENTIO
LONGO. IVBET. VENIRE. NATOS. ORDINE
QVEIS. BENDEDEA. GENS. GENS. RONDINELLIA
BENTIVOLI. QVE. MVSTII. BEVILAQVI
AVVM. VETVSTAS. RENOVENT. IMAGES
FORTES. CREANTVR. FORTIBVS. BONIS. BONI
QVID. OTIOSI. QVID. MORAMVR. CONIVGES

III.

HYMEN . MARITA . DIVOS . IAM . VOCAT . FACE
 PROCVL . PROFANI . QVISQVE . LINGVIS . FAVEAT
 IAM . CASTA . CASTIS . IVNO . SVBIT . PEDIBVS
 PRONVBA . IVNO . DOMIDVCA . ET . CIXIA
 MATVRNA . CYPRIS . SVADA . SOLVIZONIA
 PERTVND . VIRGINENSIS . PREMA . SVBIVGV
 ET . VINCLA . QVOTQVOT . CVRAE . SVNT . IVGALIA
 VOBIS . PARANTVR . VOBIS . ADSTANT . NVMINA
 VOBIS . QVE . SPONSI . CANDIDA . CADIT . HOSTIA

IV.

AT . VOS . ADESTE . VESTRO . ET . AMICOS . NVMINI
 RISVS . IOCVS . QVE . CONIVGES . CIRCVMVOLET
 FATI . QVE . VICTRIX . VERNANS . VSQVE . AETATVLA
 LEPOS . VENVSTAS . ATTICA . ET . SVAVITAS
 FORTVNA . VT . VNIS . BLANDIATVR . FAMVLA
 VNIS . VT . IPSA . SERVIAT . NECESSITAS
 SIC . DVM . SVPERBO . STERNITVR . PEDE . PRORVTVS
 HVMVM . QVE . LIVOR . DENTE . MORDET . INVIDO
 SOLVM . AVSPICATA . RIDEAT . BEATITAS

S. C.

PRID. ID. FEBRVARIAS. IN. TEMPLO. VENERIS. REGINAE
 AGLAIA. EVPHROSYNE. THALIA. DICTATRICIBVS. PERPETVIS
 FASCES. APVD. AGLAIAM. SCRIBVND. ADFVERE. CVNCTI
 QVOD. EVPHROSYNE. VERBA. FECIT. DE. HONORIBVS
 DECERNENDIS. CELTRVDI. GNVDAE. QVID. DE. EA. FIERI
 PLACERET. DE. EA. RE. ITA. CENSERVNT

QVOD. NASCENTI. GNVDAE. IN. PENITIORIBVS. TEMPLI. NOSTRI
 ADYTIS. LEPIDISSIMVM. CORPVS. SVIS. IPSAE. MANIBVS
 EFFINXERINT. CHARITES. VENVS. VERO. REGINA. ANIMAM
 AFFLARIT. CANDIDISSIMAM

QVOD. AB. EO. DEINCEPS. TEMPORE. NIHIL. IPSA. FACERE
 AVT. DICERE. SCIVERIT. QVOD. FACERE. AVT. DICERE
 NON. MONERENT. VENERES. VT. IPSAE. FECISSE. AVT
 DIXISSE. VIDERENTVR. VENERES. EO. QVE. NOMINE. SVpra
 CETERAS. AETATIS. SVAE. VIRGINES. SIT. DE. RE. PVBLICA
 NOSTRA. MAXIME. MERITA

QVOD. AD. INTIMOS. VOCATA. MVSICES. RECESSVS. PEDEM
 NON. PRIVS. INFERRE. SIT. AVSA. QVAM. AD. ARAM. IVRARET
 A. SANCTISSIMIS. REI. PVBLICAE. NOSTRAE. LEGIBVS. NVLLO
 TEMPORE. DELEXVRAM. ID. QVE. OMNINO. SARTVM. TECTVM
 SERVAVIT. EADEM. QVE. LEGE. PEDES. AD. NVMERVM. SVAVITER
 MOVERE. ASSVEFECERIT. VTI. NEC. ELEGANTISSIMIS
 INVIDEAT. REI. PVBLICAE. NOSTRAE. GRATIOLIS

QVOD . VERSATILI . AD . OMNIA . INGENIO . A . FREQVENTI
FIDELI . QVE . CVM . CIVIBVS . NOSTRIS . CONSVETVDINE . EAM
DERIVARIT . MORVM . ELEGANTIAM . AC . TEMPERATAM
CVM . MAIESTATE . FACILITATEM . VT . ET . FESTIVO . ORIS
HABITV . ET . INGENVA . SERMONIS . ADFABILITATE . ET
COMPOSITO . AD . SVAVITATES . OMNES . ANIMO . SIBI . VNIVERSOS
DEVINXERIT . VT . NEMO . AD . ILLAM . ACCESSERIT . QVIN
EAM . CONTINVO . AMARET

QVOD . IAM . VIRO . MATVRA . QVVM . ILLAM . PLVRIMI . VXOREM
PETERENT . EVM . PRAE . CETERIS . SIBI . EGREGIVM . HABVERIT
SVAVISSIMVM . SPONSVM . QVI . PATRICIO . REI . PVBLICAE
NOSTRAE . ORDINI . ADSRIPTVS . SVPREMOS . SINE
PROVOCATIONE . MAGISTRATVS . FLORENTE . ADHVC . AETATE
HEIC . OPTIME . GESSERIT . AC . DE . BONIS . OMNIBVS . IVRE
SIT . MERITISSIMVS

QVANDOQVIDEM . VENVS . REGINA . VENTVRI . PARTICEPS . FATI
DE . MVLTa . CONIVGVm . PROLE . NOS . COMMODE
PRAEMONVIT . PLACERE . VNIVERSIS . CONSCRIPTIS . VTI
FILIOLI . FILIOLAE . QVE . OMNES . PERPETVIS . REI . PVBLICAE
NOSTRAE . TABVLIS . HAC . IPSA . DIE . ADSCRIBANTVR . AC
PLENISSIMO . CIVITATIS . NOSTRAE . IVRE . IN . POSTERVM
GAVDEANT . VT . QVO . PRIMVM . AD . LVCIS . VSVRAM
EVASERINT . NOSTRI . IAM . CIVES . DICANTVR . AC . SINT . IPSI
VERO . GNV DIAE . STATVA . E . MARMORE . IN . CONSPECTISSIMO
FORI . LOCO . LIVIAM . INTER . AC . TVLLIOLAM . CONLOCETVR

ET. QVOAD. LOCI. INGENIVM. PATITVR. MARMOREIS. EX
INTERVALLO. PALIS. SEPIATVR. EI. QVE. STATVAE. TITVLVS
INSCRIBATVR

GNVDIAE. CIVI. BENEMERENTISSIMAE

CHARITVM. RES. PVBLICA. EX. S. C. POSVIT

CIPPO. QVE. IN. PRAEGRANDI. SECVNDVM. STATVAM
DEFIXO. HOC. DECRETVM. INCIDATVR. INSCVLPATVR. QVE
GRATIAS. PVBLICE. HABENDAS. EVPHROSYNAE. QVOD
SALVBRI. CONSILIO. TAM. HONESTAM. RELATIONEM. FECERIT
VT. SIT. CETERIS. EXEMPLO. IVDICII. NOSTRI. TESTIMONIUM
TABVLA. ITEM. AENEA. HVIVS. DECRETI. VERBA. CONTINENS
IPSI. AFFERATVR. GNVDAE. ET. EXCVSETVR. POTIVS
HVIVS. TARDAE. COGITATIONIS. NOSTRAE. NECESSITAS
HELENAE. GRAECARVM. PVLCHERRIMAE. NEGOTIVM. DETVR
VTI. NEC. IMPENSIS. NEC. DILIGENTIAE. PARCENS. OPVS
NVMERIS. OMNIBVS. ABSOLVTISSIMVM. PERFICI. CVRET. ET
QVAE. EIVS. CVRATIONIS. CAVSSA. OPVS. ESSENT. VTI
E. RE. PVBLICA. FIDE. QVE. SVA. VIDEBITVR. EX. FISCO
NOSTRI. AERARIO. PRAEBEANTVR. ID. QVE. OMNE
PERFICIATVR. DIEBVS. X. PROXIMIS. QVIBVS. SENATVS
CONSVLTVM. FACTVM. ESSET. DENIQVE. OPERAM. DET
CVRATRIX. VTI. PRO. SALVTE. ET. INCOLVMITATE. IPSIVS
GNVDIAE. PVBLICAE. SVPPPLICATIONES. VOTA. QVE. SOLLEMNIA
DEDICATIONIS. DIE. FIANT. CONCIPIANTVR. INDICANTVR. QVE

Ferrariae in tumultu Comitis Clementis Mosti.

HEIC. IN. PACE. QUIESCIT
 CLEMENS. COMES. MOSTI. ESTENSIS
 DOMO. FERRARIA
 CIVIS. CANDIDISSIMA. MORVM. SVAVITAS
 SENILIS. PRAETER. AETATEM. PRVDENTIA
 VERSATILE. AD. OMNIA. INGENIVM
 IPSA. DENIQVE. SVAVISSIMA. ORIS. ELEGANTIA
 VT. OMNIVM. EI. ANIMOS. DEVINXERAT
 SIC. ET. OMNIVM. LACRVMAS. IN. FVNIRE. EXPRESSIT
 QVO. AD. PLVRES. ABEVNT
 PIETAS. IPSA. CANDOR. INNOCENTIA
 AC. CETERA. QVIBVS. SVpra. AVORVM. IMAGINES
 FACILE. ADSVRREXERAT. ANIMI. ORNAMENTA
 PAREM. HEV. POSTHAC. NON. INVENTVRA
 INTERCEPTAM. DOLVERVNT. QVAM. DE. SE. CONCITAVERAT
 IN. IPSO. AETATIS. FLOSCVLO. EXSPECTIONEM
 VIX. AN. XXIII. MENS. VI. DIES. XII. HOR. XVII
 NATVRAE. PARVM. AT. VIRTVTIBVS. SATIS. DIV
 DEPOSITVS. PRID. ID. SEPTEMB. AN. CIOCCCLXXIX
 FRANCISCVS. ET. ISABELLA. RONDINELLI
 CONIVGES. INFELICISSIMI
 FILIO. AC. PRIVIGNO. DESIDERANTISSIMO
 AETERNVM. DESIDERII. SVI. TESTEM
 DOLORI. VIX. SVPERSTITES. CONTRA. VOTVM. POSVERVNT



Centensi in urbe ad aedem D. Blasii.

HEIC. IN. PACE. QVIESCIT
 IO. PHILIPPVS. MONTEFORTIVS. CENTENSIS
 NON. SIBI. SED. POPVLORVM. COMMODIS. NATVS
 CVIVS. VEL. PRIMA. INGENII. SPECIMINA
 LAMBERTINIVM. IPSVM. HABVERVNT
 LAVDATOREM. AC. TESTEM
 SED. ET. EXSPECTIONEM. FACILE. SVPERGRESSO
 BENEDICTVS. XIV. INGENIORVM. VERE. AESTIMATOR
 PAROECIAM. HANC. DIFFICILLIMO. TEMPORE
 INTER. DISTRACTOS. POPVLARIVM. ANIMOS
 VT. NVLLI. OTIOSIVS. CONCREDDIT
 SIC. IN. CONCREDDITIS. OVIBVS
 NEMO. FELICIVS. COLVMBAE. SIMPLICITATEM
 CVM. SERPENTIS. PRVDENTIA. CONCILIAVIT
 VIR. A. SCIENTIIS. AC. PIETATE. INCOMPARABILIS
 IN. PAVPERTATE. DIVES. IN. DIVITIIS. PAVPER
 CIVIS. AMICVS. SACERDOS. PATRIAE. AMICIS. ECCLESIAE
 QVASI. SINGVLIS. NATVS. NVMQVAM. DEFVIT
 MERITIS. DENIQVE. NON. AETATE. GRAVIS
 NATVRAE. NON. LABORIBVS. CEDENS
 VILICATIONEM. SVAM. PATRI. FAMILIAS. PROBAVIT
 HVIC. OMNIVM. LACRVMIS. EREPTO
 PIETAS. LIBERALITAS. CONSTANTIA. VIRTVTES. OMNES
 PAREM. FRVSTRA. QVAERENTES. POSVERVNT
 VIXIT. ANNOS. LXVI. MENSES. X. DIES. IV
 DEPOSITVS. VIII. KAL. SEPTEMB. CIOICCLXXXII



Ferrariae ad aedem Divi Gregorii.

A. Ω

HEIC. IN. PACE. QUIESCIT
 SEPTIMIUS. CEDRI. PATRICIUS. PISANUS
 ACRI. VIR. INGENIO
 MORIBUS. CANDIDISSIMIS. IMMOTA. RELIGIONE
 LITTERIS. AMICIS. PIETATI. AD. SEPULCHRVM. VIXIT
 IN. CAUSSARVM. PATROCINIIS. AC. SANCTIORI. IVRIS. PRVDENTIA
 ROMANI. FORI. PRINCIPATVM
 OMNIVM. CONSENSV. OBTINUIT
 FERRARIENSI. FISCO. PER. DECENNIVM. PRAEPOSITVS
 SIC. PRINCIPI. ADFVIT. VT. NEMO. FIDELIOR
 SIC. SVBDITOS. IVVIT. VT. NEMO. AD. HVMANITATEM. PROCLIVIOR
 PIVS. ABSQVE. FVCO. BENIGNVS. IN. EGENOS
 IN. OMNES. LIBERALIS
 LITTERATOS. PRAESERTIM. HOMINES
 LITTERARVM. ET. IPSE. CVLTOR. AMAVIT. ET. COLVIT
 CARVS. OMNIBVS. PIO. VI. CARISSIMVS
 VIXIT. ANNOS. LXXIII. MENSES. IV. DIES. XV. HORAS. VI
 ELATVS. OMNIVM. LACRVMIS
 III. KAL. IVNIAS. CIOCCCLXXXVIII
 CATHARINA. PESCESELLIA. SORORIO. AMANTISSIMO
 NICOLAUS. PESCESELLIVS. AMICO. INCOMPARABILI
 DOLORI. VIX. SVPERSTITES. POSERVNT
 VALE. ANIMA. SVAVISSIMA
 DE. QVA. NIHIL. VMQVAM. PRAETER. MORTEM. DOLVIMVS
 NOS. TE. QVO. NATVRA. DVCET. ORDINE. SEQVEMVR



*Ferrariae in aula Academiae Intrepidorum
temporaria inscriptio.*

AVE. ALPHONSE. ET. SALVE
ITALICAE. POESEOS. AD. GRAECAM. MAIESTATEM
RESTAVRATOR. ET. VINDE
CVIVS. IMMOBILIS. PIETAS. RIGIDA. INNOCENTIA
INGENIVM. AD. SVMMA. OMNIA. FACTVM
PLVS. DECORIS. SPECTATISSIMAE. FAMILIAE
AC. FERRARIENSIVM. NOMINI. REDDIDIT
QVAM. AB. AVORVM. GLORIA. ACCEPERAT
ITERVM. AVE. ET. SALVE
QVAE. TE. SVPERBIENS. SOCIO. ACADEMIA
TVIS. TAM. SAEPE. VERSIBVS. PLAVSIT. LAETISSIMA
NVNC. ATRATA. ET. SQVALORE. OBSITA
AMISSVM. HEV. FRVSTRA. DECVS. QVAERIT
AT. VOS. MOERORI. IAM. PARCITE. ACADEMICI

ABSINT. INANES. TVRPI. QVESTV. LACRVMAE
PVRVS. REDIVIT. VNDE. EXIERAT. SPIRITVS
COELOQVE. SIDVS. SPATIATVR. AVREVM
NEC. TOTVS. INTERIM. ILLE. TERRIS. OCCIDENS
QVOAD. PRETIVM. AETAS. ARROGET. VIRTVTIBVS
SVI. QVE. QVAMDIV. NOMINIS. MEMORIA
INFIXA. NOSTRIS. INSIDEBIT. CORDIBVS
VIVET. SVPERSTES. FVNERIS. QVE. NESCIVS

Ferrariae in Metropolitana supra portam forinsecus.

ALPHONSO . VARANO
 PATRICIO . FERRARIENSI
 IOSEPHI . II . AVG . INTIMAE . ADMISSIONIS . CVBICVLARIO
 PATRII . NOMINIS . AMPLIFICATORI
 LITTERARVM . GLORIA . AC . PIETATIS . CANDORE
 SAECVLIS . OMNIBVS . INVIDENDO
 RODVLPHVS . VARANVS
 CONSOBRINO . DESIDERANTISSIMO
 IVSTA . PARENTALIORVM . OFFICIA
 MORE . MAIORVM
 QVISQVIS . ES
 PACEM . ADPRECATOR
 ANIMAE . INNOCENTISSIMAE

In vico Vigarani a Mainarda Ferrariensis diitionis.

A. Ω
 HEIC . RESVRRECTIONEM . EXPECTAT
 ANTONIVS . FORNARI . FERRARIENSIS
 HVIVS . VICI . SACERDOS
 EXPRESSA . EVANGELICI . PASTORIS . IMAGO
 QVI . CONCREDITAS . OVES . VT . PER . SE . PASCERET
 CONTRACTO . MORBO
 PRO . QVIBVS . VIXERAT . OBIRE . NON . RENVIT
 OMNIBVS . CARVS . OMNIUM . LACRVMAS . EXPRESSIT
 VIX . ANN . XLI . MENS . IV . DIES . XVIII
 DEPOSITVS . POSTRID . NON . MAL . CIOCCCLXXXVIII
 ERIT . IN . PACE . MEMORIA . EIVS

Ferrariae ad aedem D. Stephani.

HEIC. IN. PACE. QUIESCIT
 ALOYSIA. GADDIA
 DOMO. FORO. LIVII
 IOANNI. COMITI. TRONIO. PRIMVM
 DEIN. PHILIPPO. COMITI. CICOGNARA
 SECVNDIS. VOTIS. NVPTA
 GENERIS. SPLENDORE. AC. MORVM. SVAVITATE
 COMMENDATISSIMA
 EXIMIVM. VERO. MARITALIS. CONCORDIAE
 AC. MATRVM. FAMILIAS. EXEMPLAR
 HVIC
 PHILIPPVS. HEV. CONTRA. VOTVM. SVPERSTES
 CONIVGI. SVAVISSIMAE. AC. PIENTISSIMAE
 DE. QVA. NIHIL. DOLVIT. NISI. MORTEM
 MONVMENTVM. PEC. SVA. POS
 VIXIT. ANNOS. XLIII. MENSES. IV. DIES. XXIV
 DEPOSITA. VIII. KAL. IVN. CIOCCCLXXIX

Bondeni in agro Ferrariensi.

FERRARIENSE. BREPHOTROPHIVM
 DIRECTVS. HVIVS. PRAEDII. DOMINVS
 LAVRENTIO. COMITI. PANZACCHIO
 PATRICIO. FERRARIEN. AC. BONON
 VTILE. EIVS. DOMINIVM. EA. LEGE. DEDIT
 VT. AB. EO. QVEM. HIC. NOMINAVERIT
 QVARTVM. DEINCEPS. HEREDEM. SEQVATVR
 SOLVTIS. IN. ANNOS. SINGVLOS. SCVTIS. IOCCXLI
 ACTVM. APVD. BONGIOCHIVM
 PVB. CVR. ARCHIEP. FERRAR. TABELLIONEM
 AN. CIOCCCLXXVI

Sub effigie Antonii Saracinelli summi oratoris.

ANTONIO . SARACINELLIO . PATRICIO . VRBEVETANO
 INGENIO . AD . OMNIA . VERSATILI
 QVOD . EIVS . IN . DICENDO . MAIESTATI
 CANDIDA . SEMPER . ABSQVE . FVCO . ELEGANTIA
 AC . VICTRIX . AD . PIETATEM . FACVNDIA
 IPSA . DENIQVE . FAMVLETVR . ORIS . VOCIS . QVE . SVAVITAS
 ADHAE . ARTEM . ARTE . IPSA . SVPERANS
 TVNC . MINVS . VIDEATVR . QVVM . MAXIME . OMNIVM . CONSENSV
 SACRAE . ELOQVENTIAE . PRINCIPATVM . OBTINEAT
 ORDO . POP . Q . FERRARIENSIS
 ORATORI . PHILOSOPHO . PHILOLOGO
 ANNO . CIOCCCLXXXVII . POS

Ferrariae in domestica Auctoris Bibliotheca.

MVSIS . ET . APOLLINI
 DIS . BONIS . BONAE . PACIS . CONCILIATORIBVS
 OTIOSA . HAEC . A . FORENSI . STREPITV
 EX . INTERVALLO . SILENTIA
 LIBRI . NOSTER . AMOR . LATERI . NE . ABSCEDITE . NOSTRO
 VOS . INTER . DVLCE . EST . VIVERE . DVLCE . MORI

Romae .

IVLIO . MARIAE . ZAFFARINIO
 DOMO . FERRARIA
 V. I. D. AC. PROTONOTARIO . APOSTOLICO
 S. CONSTANTINI . IN . SICILIA . ABATI . PERPETVO
 CAPITOLINIS . PATRICIORVM . TABVLIS . ADScriptO
 INGENITA . MORVM . ELEGANTIA
 AC . CETERIS . ANIMI . SVAVITATIBVS . COMMENDATISSIMO
 IVLIVS . ZAFFARINIVS . FERRARIENSIS
 NE . AVI . BENEMERENTISSIMI
 MEMORIA . POENE . DEPERDITA . PRORSVS . PERIRET
 TITVLVM . HOC . IN . TEMPLO
 VBI . CINERES . IN . PACE . QVIESCVNT
 PEC . SVA . POS . AN . CIOCCCLXXIX
 VIX . AN . L . MENS . VIII . DIES . XVI
 DEPOS . VII . ID . OCTOB . AN . CIOCCCLXXXVII

Ferrariae in Metropolitana sub imagine Eñi Giraud

BERNARDINO . CARDINALI . GIRAVDIO
 FERRARIENSIVM . ARCHIEPISCOPO
 QVOD . METROPOLITANAM . HANC . ECCLESIAM
 SINGVLARI . SEMPER . BENEVOLENTIA
 AD . HAEC . SVPELLECTILI . ET . ANNVO . REDITV
 SACERDOTIVM . ABDICATVRVS . AVXERIT
 EIVSDEM . CATHEDRALIS . CANONICI
 BENEFACTORI . MVNIFICENTISSIMO
 GRATI . ANIMI . TESTIMONIVM . POSVERVNT
 SEDIT . ANNOS . III . MENS . X
 DIMISIT . DIE . XVII . FEBRVAR . ANNO . CIOCCCLXXXVII

Ferrariae ad aedem Sancti Spiritus.

A. P
X. Ω

ANTONIO. MVSAE. BRASAVOLAE
DOMO. FERRARIA. PATRICIA. NOBILITATE
HOMINI. AD. SCIENTIAS. OMNES. NATO
MEDICAE. PRAESERTIM. ARTIS
AD. VETEREM. DIGNITATEM. RESTITVTORI
MVLTORVM. PRINCIPVM. ARCHIATRO
DONATVS. ET. IVLIVS. CAESAR. BRASAVOLA. FRATRES
PROAVO. SVO. INCOMPARABILI
TITVLVM. AMORIS. TESTEM
POSVERVNT. ANNO. CIOCCCLXXXVIII
VIXIT. AN. LV. MENS. V. DIES. XX
DEPOSITVS. PRID. NON. IVL. AN. CIOCLV

Ferrariae in Ecclesia mulierum Cappuccinae familiae.

LAVRENTIO. SODERINIO
DOMO. ROMA. PATRICIA. NOBILITATE
PRAESIDIAR. CENTVMCELLIS. PRAEFECTO
MOX. FERRARIENSIVM. COHORTIVM. TRIBVNO
ANTIQVAE. VIRTVTIS. HOMINI
MORVM. SVAVITATE. OMNIBVS. CARO
EGENORVM. PRAESERTIM. PARENTI. LIBERALISSIMO
TIBERIVS. FRATRIS. FILIVS
SACRI. PALATH. XII. VIR. STLITIBVS. IVD
HVC. ROMA. PROPECTVS
TITVLVM. EX. TEST. PEC. SVA. PON. CVR
VIX. ANN. XCI. MENS. VIII. DIES. IX
DECESSIT. ID. MARTIIS. AN. CIOCCCLXXXVIII
AVE. PATRVE. DESIDERANTISSIME
ET. VALE. IN. PACE

Ferrariae ad aedem D. Pauli.

HEIC. IN. PACE. QVIESCIT

ANGELVS. FELICI

DOMO. PONTIANO

LEGVM. PRVDENTIA. AC. MORVM. SVAVITATE

PRAESERTIM. EXIMIA. IN. EGENOS. LIBERALITATE

NVLLI. SECVNDVS

QVO. DENIQVE. CAVSSIS. CRIMINALIBVS

IN. FERRARIENSI. CVRIA. PRAEFECTO

NEC. RESPVBLICA. IN. PERQVIRENDIS. REIS. DILIGENTIOREM

NEC. REI. IPSI. HVMANIOREM

RARISSIMO. EXEMPLO. HABVERVNT

VT. VTRISQVE. CARVS. OBIERIT

VIXIT. ANNOS. LXXII. MENS... DIES...

DEPOS. POSTRIDIE. ID. DEC. CIOCCCLXXV

QVISQVIS. ES

PACEM. ADPRECATOR. ANIMAE. INNOCENTISSIMAE



Ferrariae ad aedem Divi Dominici.

QUIETI. AETERNAE

GALEATH. ALEX. F. MARCHIONIS. FIASCHI

PATRICH. FERRARIENSIS. S. R. IMP. NOBILIS

QVI. VERNANTE. ADHVC. AETATE

IN. EXERCITV. TERESIAE. AVG. ROM. IMPER

TANTA. VIRTUTE. MILITAVIT

QVANTVM. ACCEPTA. OSTENDVNT

IN. GERMANICO. BELLO: VVLNERA

MOX. IN. PATRIAM. HONESTA. MISSIONE. REDVX

MILITARI. DISCIPLINAE

FERRARIENSIVM. PRAESIDIAR. SIG. PRAEFVIT

VT. NVNQVAM. LEGIO. DOMI. EXERCITATION

FRVGI. HONESTVS. INTEGER. RELIGIOSVS

AETERNVM. SVI. DESIDERIVM

APVD. OMNES. ORDINES. RELIQVIT

VIXIT. ANNOS. XLIX. MENS. X. DIES. XII

ELATVS. FVNERE. PVBLICO

X. KAL. IVL. AN. CIOCCCLXXXVIII

LVDOVICVS. FIASCHI

FRATRI. AMANTISSIMO. CONTRA. VOTVM. POSVIT —

Ncapoli in funere Iosephi Ducis Crivelli

Supra Ecclesiae portam forinsecus.

IOSEPHO. DVCI. CRIVELLIO

ROCCAE . IMPERIALIS . PRINCIPI

FRANCAVILLAE . MARCHIONI

IMMATVRA . HEV . MORTE . SVBLATO

CELTRVDA . ISASTIA

VNI . POSTHAC . MOERORI . VICTVRA

COMPARI . CONCORDISSIMO

SVPREMA . AMORIS . AC . PIETATIS . OFFICIA

CONTRA . VOTVM

NON . VNA . CONIVX . COMPARI . SVAVISSIMO

TENELLVLI . QVE . HEV . SINE . PATRE . FILII

VERVM . PARENTAT . HOSPITALIS . LARGITAS

PIETAS . FIDES . PVDOR . QVE . ET . LIBERALITAS

DEIN . SECVNDVM . HAVD . INVENTVRAE . AVT . SIMILEM



In fronte temporarii tumuli.

NATVRAE. PARVM. QVIDEM
AT. VIRTVTIBVS. SATIS. DIV. VIXIT
QVI. NEC. DEO. PIETATE. NEC. CONIVGI. FIDE
NEC. FILIIS. VIGILANTIA
NEC. EGENIS. LIBERALITATE
VSQVAM. DEFVIT
AD. HAEC. NON. SIBI. SED. AMICIS. NATVS
VEL. INVITOS. BENEFICIIS. ADIVIT
TANTA. DENIQVE. FORTITVDINE. EXCELLVIT
QVANTAM. PERTINACISSIMA
AFFECTAE. VALETVDINIS. INCOMMODA
MVLTI. ABHINC. ANNIS
CONSTANTISSIME. TOLERATA. OSTENDVNT
AVE. ANIMA. INNOCENTISSIMA
CONFECTIS. MATVRE. VIRTVTVM. STIPENDIIS
LAVREA. FRVERE. IN. PACE
ITERVM. AVE. ET. SALVE



Neapoli in funere Gerardi Carafae Polycastri Comitiss.

Supra Ecclesiae portam extrorsum.

PRO. SPE. ET. SECVRITATE. AETERNA:
GERARDI. CARAFAE
POLYCASTRENSIVM. COMITIS. S. R. I. PRINCIPIS
QB. GENERIS. AMPLITVDINEM. ANIMI. QVE. ORNAMENTA:
CVM. PAVCIS. NVMERANDI:
TERESIA. ROCCELLAE. PRINCEPS
VNICA. SVPERSTES. FILIA. HERES. EX. ASSE
LVCTVI. AC. MOERORI. HEV. RELICTA
PATRI: OPTIMO. AC. BENEMERENTISSIMO
SVPREMA. PIETATIS. OFFICIA

In temporario tumulo.

I.

SVBIECTARVM. SIBI: GENTIVM
PATER. POTIVS. QVAM. PRINCEPS
GERARDVS. CARAFA
VIX. EAŞ. SIBI. SOLVENDO. IMPARES. SENSIT
CONGESTAS. IN. POLYCASTRI. FORO
NOMINVM: TABVLAS
RARO. LJBERALITATIS. EXEMPLO. INCENDIT
AT. CVM. TANTAM. VNA. DIECVLA. PECVNIAM. ABSVMPSERIT
IMMORTALE. EA. DE. RE. NOMEN
NVLLA. PORRO. DELEBIT. OBLIVIO

II.

GERARDI . CARAFÆ
IN. LIBERORVM. INSTITVTIONE. VIGILANTIAM
VNA. INSTAR. OMNIVM. TERESIA. LOQVITVR
AT. TV. ANIMA. DVLCISSIMA. ET. INCOMPARABILIS
PAREM. HANC. TIBI. VNI. FILIAM
ADHAEC. COGNOMINEM. GERARDVLVM
SVCCESIONIS. REPARATOREM
CETERVM. DENIQVE. LECTISSIMVM. GREGEM
DIGNOS. TANTO. AVO. NEPOTES
BONVS. RESPICIAS
VT. TE. PRECATORE. DEVS. O. M.
TERRIS. EOS. DIVTISSIME. COMMODET.

III.

GERARDVM . CARAFAM
QVEM. AD. OMNIVM. VIRTVTVM. EFFIGIEM
NATVRA. FINNERAT
ROBORE . TANTO . ET. CONSTANTIA . OBARMAVIT
VT. MASCVLÆ. SOBOLE. DESPERATA
TVM. HIPPOLYTA. CARAFA
VXORE . RARISSIMI . EXEMPLI
CVM. QVA. VIXIT. SINE. VLLA. QVERELA
DIVTVRNIS. MALIS. LABORANTE
AD. HAEC. IPSE. MOLESTISSIMI. MORBI
PERTINACIA. CONFLICTATVS
QVESTVBVS. INTERIM. PARCENS
FORTEM. SEMPER. GESSERIT. ANIMVM



IV.

NOBILITATEM. NON. GENERIS. AMPLITVDINE
 SED. MORVM. SVAVITATE. CONSTARE. RATVS
 GERARDVS. CARAFA
 SVpra. SPLENDIDAS. AVORVM. IMAGINES
 SVIS. IPSE. VIRTVTIBVS
 PRAESERTIM. FACILITATE
 QVA. SE. OMNIBVS. EXAEQVABAT
 ADEO. ADSVRREXIT
 VT. NON. IPSE. FAMILIAE. SED. EI. FAMILIA
 NOMEN. ACCEPTVM. REFERAT

V.

VETVSTVM. GENTIS. DECVS
 IMA. DIES. MORTALIBVS. ABSTRAHIT
 VNA. EST. SVPERSTES. PROBITAS
 MORES. INGENIVM. GRAVITAS
 HIS. INNIXVS. GERARDVS
 IAM. FRVITVR. SVPERIS. AETERNA. IN. LVCE

VI.

AVE. GERARDE
 AMICORVM. IAM. VOLVPTAS. ET. DELICIVM
 NVNC. DOLOR. ET. DESIDERIVM
 SI. LACRYMIS. IMPORTVNA. HEV. MORS. SEDARETVR
 ID. TVORVM. SVSPIRIA. VICISSENT
 QVI. IN. TANTA. ORBITATE. DESOLATI
 NI. SVPREMI. NVMINIS. LEX. VETARET
 VIVOS. SE. TECVM. CONTVMVLASSENT



Neapoli in Vairorum Villa.

D. O. M

SACELLVM. HOC

DIVAE. ANNAE. TVTELA. BEATISSIMVM

QVOD

PROFANAE. AEDIS. CONTINENTIA. VELVTI. POLLVERAT

CARMINVS. VAIRVS

VT. SVVS. DIVINAE. DOMVI. STARET. HONOS

CONTRACTA. FVNDI. SVI. PARTE

HEIC. AB. INCHOATO. RESTITVENDVM. CVRAVIT

ET. COMMODA. SVPELLECTILE. AVXIT

ANNO. CICIOCCCL

Neapoli ad Moniales Sancti Ioannis.

LIVIAE. SPINELLAE

INCOMPARABILI. NOSTRI. TEMPORIS. HEROINAE

QVAE

ABDICATIS. SAECVLI. ILLECEBRIS

IN. IPSO. IVVENTAE. FLORE

SACRA. HAEC. SILENTIA

DEO. AC. SIBI. VNICE. VICTVRA. INGREDITVR

ADCLAMENT. VNIVERSI

DELICIAE. VALEANT. VALEANT. SOLATIA. SAECLI

ME. RAPIT. HVC. VNVS. VIRGINITATIS. AMOR

Herculani ad Dominicanorum aedem .

TEMPLVM . HOC . ABNORME . ANTEA
AC . VETVSTATE . COLLABENS
NE . SVVS . DIVINO . NOMINI . DECOR
AC . FIDELIVM . PIETATI . FERVOR . DEESSET
IN . ELEGANTIOREM . HANC . FORMAM . REDIGENDVM
OMNI . QVE . CVLTV . EXORNANDVM
AERE . SVO . CVRARVNT
DOMINICANAE . FAMILIAE . FRATRES
ANNO . CIDIJCCLXVIII

Neapoli .

HEIC . REQUIESCIT
EXSPECTANS . BEATAM . RESVRRECTIONEM
DOMINICVS . NEAPOLITANVS . V . I . D
PATRICIVS . LANCIANENSIS
INNVMERIS . ANIMI . SVAVITATIBVS
PRAESERTIM . SVMMA . ANIMI . DEMISSIONE
AD . MIRACVLVM . ORNATISSIMO
TANTA . VERO . IN . PAVPERES . LIBERALITATE
QVANTAM . IN . EIVS . DORMITIONE
EGENTIVM . LACRVMAE . OSTENDVNT
VIXIT . ANNOS DIES MENSES
DEPOSITVS . IN . PACE CIDIJCCLXX



Ibidem.

SACELLVM . HOC
VNI . TRINO . QVE . DEO . DICATVM
ANTONIVS . MARIA . PESSETTI
EORVM . PRAESERTIM . COMMODO
QVI . PROCVL . AB . VRBE
HAC . IN . VICINIA . RVSTICANTVR
AERE . SVO . A . FVNDAMENTIS . EXSTRVXIT
OMNI . QVE . ELEGANTIA . EXORNAVIT
TVM . CONGRVIS . REDITIBVS
AD . SACRVM . QVOTIDIE . PERAGENDVM
AVXIT . ANNO . CIOCCCLXVIII

Ibidem.

HYPOGAEVVM . HOC . CONDITORIVM
ANTONIVS . MARIA . PESSETTI
MORTALITATIS . MEMOR
SIBI . SVIS . QVE . SE . VIVO . FECIT
EA . LEGE
NE . DE . NOMINE . AC . FAMILIA . EXEAT
VT . QVOS . VNA . IVNXIT . AFFINITAS
NEC . IPSA . MORS . DISTRAHERET

SISTE . PAVLLISPER . HOSPES
ET . REQUIETEM . PRECARE
HEIC . IN . PACE . QVIESCENTIBVS

f

Hydrunti in Regno Neapolitano

Supra portam Ecclesiae primariam .

DEO . OPTIMO . MAXIMO
OB . RESTITVTOS . SIBI
PATRONOS . CONCIVES . FELICITATIS . VINDICES
HYDRVNTINOS . MARTYRES
ORDO . POPVLVS . QVE
TEMPORARIAM . APPARATIONEM
ET . QVIDQVID . AD . EAM
LVBENS . MERITO . INDICIT

RESISTE . QVISQVIS . ES . CIVIS . HOSPES . VE
AC . REDVCES . IN . PATRIAM . MARTYRES
RITE . PRECATOR
VT . PROVINCIAE . REGNI . QVE . BEATITATEM
DIVTISSIME . SERVENT



I.

PRO. SALVTE. ET. IMPERII. DIVTVERNITATE
 FERDINANDI. IV. REGIS. CLEMENTISSIMI
 PII. FELICIS. AVG
 ET. CAROLINAE. AVSTRIACAE
 PARILIS. SVAVITATIS. REGINAE
 QVORVM. INCOLVMITATE
 SICILIENSIVM. FELICITAS. CONTINETVR
 VTEI. EOS. HYDRVNTINI. MARTYRES
 SVpra. VOTA. FORTVNENT⁹
 ORDO. POPVLVS. QVE. HYDRVNTINVS
 NVMINI. MAIESTATI. QVE. EORVM. DEVOTISSIMVS
 VOTORVM. SOLLEMNIA

II.

AT. VOS
 PATRIORVM. MAXIMI. TVTELARIVM
 QVANDOQVIDEM. DOMVM. AVGVSTAM
 EXSPECTATA. TANDEM. INFANTVLA. SVAVISSIMA
 AVXISTIS
 VTEI. PORRO. IVVENTVTIS. PRINCIPEM
 QVOD. VNVM. NEAPOLITANAE. FELICITATI. DEEST
 QVANTOCIVS. COMMODETIS
 CLEMENTER. ANNVITE

III.

SOSPITATORIBVS . SVIS
AC . PVBLICAE . FELICITATIS . CVSTODIBVS
VTEI . PESTEM . BELLVM . INCENDIA . FAMEM
ANNONAE . CARITATEM
CIVIVM . PRAESERTIM . DISCIDIA
HINC . AVERRVNCENT
VTEI . QVE . VNAM . FAVSTITATEM
PERPETVAM . HEIC . ESSE . VELINT
ORDINIS . POPVLI . QVE . HYDRVNTINI
VOTORVM . NVNCVPATIONES

IV.

CLEMENTI . XIV
PONTIFICI . VERE . MAXIMO
SVIS . VNICE . ANIMI . ORNAMENTIS
AD . SVMMVM . CATHOLICI . ORBIS . IMPERIVM
EVECTO
DOCTRINA . PRAESERTIM . AC . RELIGIONE
SAECVLIS . OMNIBVS . INVIDENDO
QVOD . PATRONOS . BENEMERENTISSIMOS
SVO . SIBI . DE . SINV
ABSTRAHI . NON . PERMISERIT
SALENTINAE . GENTES . BENEFACI . MEMORES
FAVSTA . OMNIA . DESVPER . ADPRECANTVR

V.

QVI. OMNIVM. VOTIS
SIVE. PVBBLICA. SIVE. PRIVATA. IN. RE
BONI. SEMPER. ADFVERVNT
ET. OMNIVM. GRATES
PVRA. MENTE. HABEANT
AC. NE. PORRO. VMQVAM. DESINT
SOLLICITAS. OMNIVM. PRECES
LVBENTER. EXCIPIANT

VI.

HEIC. IN. PACE. QVIESCVNT
HYDRVNTINI. MARTYRES. FERME. SEPTINGENTI
QVI. PATRIA. AB. THRACIBVS. EXPVGNATA
ANNO. CIOCCCCCLXXX
VICTI. VICTOREM. IPSVM. DOMVERVNT
QVOS. NEC. BLANDIENTIS. ILLECEBRAE
NEC. INSVLTANTIS. MINAE. DETVRBARVNT
QVIN. PRO. CHRISTO
LVBENTER. OBTRVNCARENTVR
DE. QVORVM. VETVSTISSIMO. CVLTV
CVM. IMMERITO. DVBITARI. COEPISSET
APOSTOLICA. CLEMENTIS. XIV. AVCTORITAS
EOS. HYDRVNTINIS. SVIS. RESTITVIT
IO. LAETAMINI. CIVES
VESTRI. ITERVM. SVNT. MARTYRES. HYDRVNTINI

VII.

HYDRVNTINOS. MARTYRES
AD. QVOS. NEMO. ADHVC. ACCESSIT
QVIN. VOTI. COMPOS. ABIRET
VTEI. EAM. PROVINCIAE. VBERTATEM
REI. PRAESERTIM. OLEARIAE. COPIAM
QVOTANNIS. CONCILIENT
QVA. VEL. IPSAM. COLONORVM. SPEM
FACILE. EXCEDANT
MESSAPII. CALABRI. IAPYGES. SALENTINI
VNO. ANIMO. OBTESTANTVR

VII.

FERDINANDO. IV. SICILIENSIVM. REGI
PIO. FEL. AVG. PAT. PATRIAE
QVOD. FERDINANDI. I. ARAGONVM. REGIS
PIETATEM. ERGA. HYDRVNTINOS. MARTYRES
AEMVLATVS
VETVSTISSIMVM. EORVMD. CVLTVM
HEIC. RESTITVI. AC. PROPAGARI. CVRAVERIT
ORDO. POPVLVS. QVE. HYDRVNTINVS
DEVOTVS. NVMINI. MAIESTATI. QVE. EIVS
TITVLVM. GRATI. ANIMI. TESTEM. P
ANNO. CIOCCCLXXII. REGNI. EIVS. XIII

Martorani in regno Neapolitano.

SISTE . PARVMPER . HOSPES.

CONDITORIVM . QVOD . VIDES . V . I . D . LEOPOLDVS . MEDICI
GATTI . DOMO . MARTORANO . MORTALITATIS . MEMOR . SIBI
SVIS . QVE . POSTERIS . QVE . EORVM . VIVVS . FECIT . IBI . QVE
FRANCISCI . ANTONII . GATTI . AVI . MATERNI . ANTIQVAE
FIDEI . HOMINIS . AC . DE . SE . OPTIME . MERITI . CINERES
REPONENDAS . CVRAVIT . NE . QVOS . AMOR . IVNXIT . VIVOS
VEL . IPSA . IMPORTVNA . HEV . MORS . DISTRAHERET
HOC . SCIRE . TE . VOLEBAM . NVNC . ABI . ET . VALE

*Neapoli ad aedem D. Laurentii pro Theologorum
Collegio.*

DEO . OPTIMO . MAXIMO

AC . PATRIIS . TVTELARIBVS

QVOD . TEMPORVM . FELICITATEM

REGIA . TANDEM . PROLE . CONFIRMARINT

NEAPOLITANVM

SACRAE . THEOLOGIAE . CONLEGIVM

IN . TVTELA . FIDE . QVE . REGIA . CONSTITVTVM

SOLLEMNES

GRATI . ANIMI . SIGNIFICATIONES

MORE . MAIORVM



Neapoli.

HEIC . IN . PACE . DORMIT
 ANTONIVS . LEVZZIVS . DOMO . TRIPOLI
 ANNORVM . SEX . PVERVLVS . SVAVISSIMVS
 QVI . CVM . PAVCIS . NATVS . MENSIBVS
 E . LIBERO . SERVVS . EVASISSET
 TANTIS . PORRO . INGENII . MORVM . QVE . SVAVITATIBVS
 SVpra . AETATVLAM . CIRCVMFLVXIT
 VT . A . DOMINO . INDVLGENTISSIMO
 MANVMITTI . ET . IN . FILIVM . ADOPTARI
 RARISSIMO . EXEMPLO . MERVERIT
 CVIVS . SVPERSTITES . EXVVIAS
 HEIC . COLLOCARI . VOLVIT
 VT . IN . QVO . TEMPLO . QVATVOR . ABHINC . ANNIS
 BAPTISMA . ACCEPIT
 IBI . ET . RESVRRECTIONEM . EXPECTARET
 DEPOSITVS . X . KAL . IVLIAS . CIDI CCCLXXII
 HVIC
 CAROLVS . LEVZZIVS . ET . MARIA . CONTARENA
 SVMMAE . NOBILITATIS . COMPARES . CONCORDISSIMI
 LIBERTO . AC . FILIO . DESIDERANTISSIMO
 CONTRA . VOTVM

*Temporarii Curiae Portuensis Neapolitanae tituli
in sollemni D. Ianuarii supplicationum pompa*

Supra portam forinsecus .

D . O . M

ET. DIVO. IANVARIO

VRBIS. ET. PROVINCIARVM. SOSPITATORI. PRAESENTISSIMO

PRO. SALVTE. ET. IMPERII. DIVTVRNITATE

OPTIMI. PRINCIPIS. FERDINANDI. IV. REGIS. NOSTRI

PII. FELICIS. AVG

PRO. QVE. STATV. AETERNO. REIPVBLICAE. NEAPOLITANAE

CVRIA. PORTVENSIS

VOTA . SEXENNALIA

NVNCVPAT. MORE. MAIORVM. MVLTIS. DECENNIIS

QVISQVIS . ADES

PATRONVM. INDVLGENTISSIMVM. RITE. COMPRECATOR

VT. CVM. REGE. SVAVISSIMO

COMMVNEM. VTRIVSQVE. REGNI. BEATITATEM

DIVTISSIME . SERVET

I.

TVTELA . NOSTRI . O . DIVE . FERNANDVM . POLO
 DEMISSVM . AB . ALTO . REGNI . IN . HVIVS . COMMODVM
 TIBI . QVE . CREDITVM . ANNIS . SEMPER . INTEGRIS
 INCOLVMEM . NOBIS . SERVES . DEIN . AC . SOSPITEM
 ET . QVAE . RENIDENT . IPSO . IN . AEVI . FLOSCVLO
 PIETAS . PVDOR . QVE . ET . ATTICAE . ELEGANTIAE
 COEPTAE . A . PARVO . CVM . AETATE . SVCCRESCANT . SIMVL
 QVEIS . VRBS . SVPERBA . STELLIS . INSERAT . CAPVT

II.

AT . TV . SVPREMI . CRVOR . INTERPRES . NVMINIS
 STATIM . LIQVESCENS . HEIC . E . REGIONE . SANGVINIS
 ET . CIVIVM . OMEN . FIRMES . VOTA . ET . EXPLEAS
 QVEIS . VSQVE . CANDIDI . PORRO . NITEANT . DIES
 HINC . CVRA . TRISTIS . PALLENS . MORBVS . AC . TIMOR
 GRAVES . ET . IRAE . ABACTAE . PROCVL . AVFVGIAN
 ET . PRINCIPEM . VRBEM . AC . CETERAS . PROVINCIAS
 SOLVM . PERERRET . AVSPICATA . FAVSTITAS

Temporarii Curiae Portae novae Neapolitanae tituli

Supra portam extrorsum.

DIVO. IANVARIO. MARTYRI
 QVOD
 INTER. EFFVSE. AD. ARMA. RVNT. EVROPAM
 OTIOSAE. NEAPOLI
 DVLCEM. TRANQVILLITATEM
 ET. ARTES. PACIS. ALVNAS. COMPARAVERIT
 CVRIA. PORTAE. NOVAE
 PATRONO. DE. SE. BENEMERENTISSIMO
 SOLLEMNES. GRATI. ANIMI. SIGNIFICATIONES
 MORE. MAIORVM

In curia introrsum.

QVANDO. HIC. AMORES. SPIRANT. ADHVC. CAROLI
 AMALIAE. QVE. DIVE. O. PRAESENTISSIME
 QVEIS. HISCE. RISIT. CIVIBVS. BEATITAS
 NOSTRIS. DEINCEPS. NE. QVID. DESIT. COMMODIS
 AVT. OCCIDENTE. GELIDIS. AVT. TRIONIBVS
 TECVM. IVC. REPORTES. COMPAREM. LECTISSIMAM
 QVACVM. BEATOS. AGAT. FERNANDVS. DIES
 VRBI. QVE. ET. ORBI. POSTHAC. IVCVNDISSIMOS
 REGES. DATVRVS. REGVM. ET. IPSE. SVRCVLVS

Temporarii Portuensis Curiae Neapolitanae titulus

Supra portam Curiae primariam forinsecus .

DIVO . IANVARIO

PVBlicAE . FELICITATIS . CVSTODI . VIGILANTISSIMO

VTI . OPTIMOS . PRINCIPES

FERDINANDVM . IV . AC . MARIAM . CAROLINAM

P . P . F . F . AVGG

INCOLVMES . BEATOS . QVE . ESSE . VELIT

VTI . QVE . CONCIVIBVS . SVIS

VOLENS . PROPITIVS . DEXTER . ADSIT

CVRIA . PORTVS

ARAM . TEMPORARIAM . CVM . ORNAMENTIS

AC . SOLLEMNES . VERTENTIS . SEXENNII . SVPLICATIONES

M . M



I.

O. CIVES. CIVES. FAVSTVS. IAM. VESPER. ADEST
IAM. POMPA. PRODIT. QVISQVE. LINGVIS. FAVEAT
ABSINT. PROFANI. TVM. QVI. PVRVS. EST. SCELERIS
SOLLICITA. PATRONVM. FATIGET. PRECE
TVIS. O. DIVE. LAETVS. INTERSIS. CIVIBVS
AMES. QVE. DICI. PATER. VT. TE. VINDICE
SEV. TRISTIS. IMBER. SAEVIAT. SEV. VESVIVS
VSQVE. OTIOSA. RIDEAT. NEAPOLIS

II.

AT. O. QVERELIS. SIREN. SIT. FINIS. AVT. MODVS
TVVS. ILLE. CIVIS. ILLE. IANVARIVS
QVI. FERDINANDO. COMPAREM. SVAVISSIMAM
ADDVXIT. TVIS. NE. QVID. DESIT. COMMODIS
VATE. ME. IVVENTVTIS. IAM. IAM. PRINCIPEM
LONGO. QVE. NATOS. POLLICETVR. ORDINE
AC. NE. ME. VANVM. PRAEDICES. ARVSPICEM
EN. FIRMAT. OMEN. REDIVIVO. IN. SANGVINE



Neapoli in tumulo Severi Carmignani.

HEIC . IACENT . OSSA
 SEVERI . CARMIGNANI . PATRICII . NEAPOLITANI
 ANTIQVAE . FIDEL . HOMINIS
 QVI . SICVTI . CVM . VXORE . CONCORDISSIMA
 IN . LIBERIS . EDVCANDIS
 SPARTANAM . DILIGENTIAM . VICIT
 ITA . SACRIS . INITIATVS
 PRIMOS . CHRISTIANORVM . MORES . EXPRESSIT
 AD . HAEC . RATVS . NON . SIBI . SED . MVSI . NATVM
 EXIMIAM . LIBRORVM . SVPELLECTILEM
 SIBI . ET . AMICIS . AERE . SVO . COMPARAVIT
 VIXIT . AN MENS DIES HORAS . . . :
 HVIC . OMNIVM . LACRVMIS . ELATO
 N . CARMIGNANVS . FRATER . AMANTISSIMVS
 QVI . CVM . EO . AD . DIEM . MORTIS . VNO . ANIMO . EGIT
 QVOD . VNVM . REMANET . PIETATIS . OFFICIVM
 TITVLVM . HVNC . PONENDVM . CVRAVIT
 ANNO . CIOCCCLXV

Neapoli in aede Fagoniorum familiae.

I.

NERONIS . CLAVDII . CAESARIS . SIGNVM
 QVOD . DIV . LVCI . SE . SVRRIPENS
 INTER . SORDIDIORES . DOMVS . RECESSVS
 VELVTI . DE . INDYSTRIA
 PVDIBYNDVM . CAPVT . OCCVLVERAT
 QVASI . INDIGNARETVR
 CRVDELISSIMVM . PRINCIPEM . EXHIBERE
 IOSEPHVS . FAGONIVS
 AEQVVS . ANTIQVARIAE . REI . AESTIMATOR
 DETERSO . SQUALORE
 HEIC . IN . PROPATVLO . POSVIT
 ANNO . CIOCCCLXIII

II.

NON . VLTIMVM . HOC
 VENERANDAE . ANTIQVITATIS . MONVMENTVM
 QVOD . LONGA . TEMPORIS . INTERCAPEDINE
 SITV . OBSITVM . SVBSEDERAT
 IOSEPHVS . FAGONIVS
 QVANTIVIS . PRETH . CIMELIVM
 DIVTIVS . DELITESCERE . NON . PASSVS
 PVRGATIS . SORDIBVS
 AB . INFIMA . INTERIORIS . DOMVS . PARTE
 IN . EDITIORE . QVO . PAR . ERAT . LOCO
 CONLOCANDVM . CVRAVIT
 ANNO . CIOCCCLXIII

Neapoli ad aedem D. Francisci a Paula.

CAIETANO. BRANCIFORTIO
EX. BYTERAE. PRINCIPIBUS
LEPIDISSIMAE. ANIMVLAE
LEPORES. ET. ELEGANTIAE
PAREM. HAVD. INVENTVRAE
COLVMBARIVM
CVM. LACRVMIS. POSVERVNT
VIX. MENS.... DIES.... HOR.... SCRVP....
OBIIT. XV. KAL. SEXT. CIOCCCLXXI

Ibidem.

CAIETANO. BRANCINFORTIO
SEPTEM. VIX. MENSIVM
ANIMVLAE. DVLCISSIMAE
SALVATOR. BYTERAE. PRINCEPS
INVERSO. HEV. MORTALITATIS. ORDINE
PATER. FILIOLO. CONTRA. VOTVM. P
KAL. SEXT. CIOCCCLXXI
EIVS. QVE. CINERES. CVM. IOANNA
SORORE. ANNICVLA. SVAVISSIMA
TRIBVS. ABHINC. ANNIS. QVIESCENTE
HEIC. COLLOCARI. IVSSIT
VT. QVI. VNA. IMMORTALI. GLORIA
SIMVL. IN. COELIS. FRVVTVR
VNO. ETIAM. IN. COLVMBARIO
IN. TERRIS. CONQVIESCANT

FRANCISCO . COMITI . MARESCALCHIO
 POETAE . ELEGANTISSIMO
 OB . ITALICVM . DE . CAESARE . AD . RVBICONEM
 PINDARICAE . MAIESTATIS . EPIGRAMMA
 GRATIAS . QVAS . POTEST . MAXIMAS
 AC . TENVES . CONTRA . HENDECASYLLABOS
 CAIETANVS . MIGLIORE
 ANTIDΩPON . ΧΑΛΚΕΙΑ . ΧΡΥΣΕΩΝ

*De lepidissimo comitis Francisci Marescalchii catulo,
 quem ille vespertinis horis ad Emū Legatum
 secum ducere solet.
 Ad eundem comitem Marescalchium.*

P Hoebi deliciae , ac novem sororum ,
 FRANCISCE , o pater elegantiarum ,
 Quis non perdit amet tuum catellum ,
 Quem nostrum ad dominum , occidente sole ,
 Tecum ducere saepe consuesti ?
 Quis magis lepidas suavitates ,
 Aut vidit veneres suaviores ?
 Agnoscit dominum bonus catellus ,
 Moraeque impatiens modo huc modo illuc
 Assultans trepidat venire in ulnas ;
 Sedensque in gremio tot ille suaves
 Facit blanditias , facetiasque ,
 Quot nec ipsa Venus , Cupidinesque ,
 Seu quid blandius est , venustiusque .

h

Nam si crustula , et elegantiores ,
 Vt solet , dominus bolos ministret ,
 Reddens mutua per jocos , salesque ,
 Blandus , suaviolus , bonus catellus
 Labro labiolum admovet minutum ,
 Vt non sit catulo satis superque
 Centies dominum suaviari ,
 Dein atque iterum deosculari .
 Quis magis lepidas suavitates ,
 Quis vidit veneres suaviore ?
 Nunc circum saliens caput , latusque ,
 Atque os , atque oculos , genasque lambens ,
 Facit quidquid ei lubet jocari .
 Nunc et pectus , et imulam oricillam ,
 Ac breves humeros , nivesque colli
 Admordet leviterque , leniterque ;
 Blandulam interea rotunda utramque
 Mento manciolam applicans , ut ipsae
 Riderent veneres , Cupidinesque .
 Quis magis lepidas suavitates ,
 Aut vidit veneres suaviore ?
 Saepe et in domini sinu recumbens ,
 In se uno teres , ac rotundus omnis ,
 Fraudulenta oculos tegit quiete ;
 Bimulusque velut tener puellus
 Matris in tremula quiescit ulna ;
 Sic et in domini sinu catellus
 Lassulum leviter caput reflectens

Facit delicias beatiores ;
 Anhelasque trahens frequenter auras ,
 Gaudet suaviolo dein tepore
 Frigidam domini fovere dextram .
 Quis magis lepidas suavitates ,
 Quis vidit venerices suaviores ?
 At si forte oculos levans , caputque
 Alterum in speculo videt catellum
 Et ipsum in Domini sinu sedere
 Summae participem benignitatis ,
 Surgit illico , et irretorto oculo
 Alteri similem invidens favorem ,
 Pilos lucidulos , comamque crispans ,
 Iam non suavis , ut ante , blandulusque ,
 Non dulcis , lepidus , bonus catellus ,
 Verum turgidulo inquietus ore
 Ilac illac oculos jactat rubentes ,
 Ac dente oppositum vitro catellum
 Vexat insolito furens susurru ,
 Qualis gutture Cerberus trifauci .
 Quis ergo lepidum , venustulumque
 Quis non perdit amet tuum catellum ,
 FRANCISCE , o pater elegantiarum ,
 Phoebi deliciae , ac novem sororum ?



MARCO . RASPIO
 ANTIQVAE . FIDEL . HOMINI
 QVI . NON . SIBI . SED . AMICIS . NATVS
 OMNES . AMAVIT . NEMINEM . LAESIT
 QVOS . POTVIT . IVVIT
 HOC . DE . FILII . NVPTIIS . DOMI . NATVM
 SVBSECIVS . HORIS . EPITHALAMIVM
 CAIETANVS . MIGLIORE
 CANDIDAM . AMICITIAE . TESSERAM
 AMICO . INCOMPARABILI . AG . SVAVISSIMO

*In Nuptiis Cajetani Raspii, et Iucundae
 ex Comitibus Pellegrinae.*

N Vper Eridani sedens ad undas :
 Tune , dixit Amor , bone o Nelinte ,
 Omnium charitum , ac leporum ocelle ,
 Referte omnium et elegantiarum ,
 Me impune unius aestimabis assis ;
 Cum ultimus mihi serviat Britannus ,
 Et quisquis colit Indiamve tostam ,
 Alpesve , aut Lybiam siticulosam ,
 Seu quid durius est , severiusque ?
 At non hercle mihi inde sic abibis .
 Nec mora , immiserabilis trecentis
 Ter quater juvenem obruit sagittis .
 Sed qui illum unius aestimabat assis ,
 Reflectens leviter caput , trecentis
 Sinum surripuit catus sagittis ;

Despectansque oculo irretorto Amorem;
Mille millibus excipit cachinnis.
O factum male! o miselle pupe!
Quis te non faciat pili deinceps,
Cum sciat tua nil valere tela?
O factum male! pupule o miselle!
Lentus interea Cupidini ignis
Exedit magis ac magis medullam,
Vltro et lacrymulae effluunt ocellis.
Cumque ambas rubeus genas repente
Irrepat color insolens minutas,
Lacteis rubicundulas utrasque
Tegit manciolis genas pudenter.
Tum, me Iupiter, inquit, ac Dii omnes
Oderint, nisi perditæ Nelintum
Totos inde dies amare cogam.
It redit trepidans modo huc modo illuc,
Vicosque indomitus vorat, viasque;
Donec per mediam Lycoris urbem
Forte illi obvia venit integella,
Blandula o nimis, ac nimis venusta,
Qua nec Gratiolæ, Cupidinesque,
Nec mellita Venus suaviorem
Mater fingeret elegantiarum:
Hanc secum comitem venire iussit.
Sed et callidulus novas ut artes
Subdole iustrueret, genis venustas
Abdidit veneres, cupidinesque,

Blandas abdidit, elegantiasque :
 Ad haec ore , labellulisque cunctos
 Lepores , charites , suavitates ,
 Atticosque sales , facetiasque .
 At in blandidulis puellae ocellis
 Furtim subdidit ipse , pupulisque .
 O factum bene ! o Amor beate .
 Nam vix suaviolam videt Lycorim ,
 Omnibus puer illico medullis
 Sentit immedicabilem sagittam :
 Mutat tristia mitibus , suoque
 Victorem gremio excipit libenter .
 O factum bene ! o Amor beate !
 At tibi bene sit , bona o Lycoris ,
 Tua namque opera meus Nelintus ,
 Qui Amorem unius aestimabat assis ,
 Nunc isti domino vel ipse servit ,
 Servietque alios dein per annos .
 O factum bene ! o Amor beate !



LAVRENTIO. FVSCONIO
 POETAE. ORATORI. PHILOSOPHO. THEOLOGO
 MORVM. SVAVITATE. INCOMPARABILI
 QVOS. ILLE. VERSVS
 DE. VIRGINE. CLAVSTRVM. INGRESSA
 AB. AMICO. QVASI. AQVAM. E. PVMICE
 IN. IPSO. FORI. AESTV. EXPRESSIT
 CAIETANVS. MIGLIORE
 SVAE. ERGA. ILLVM. VOLVNTATIS. TESTES
 D. D. D. L. L. M

Nicem vidit Amor puellularum
 Inter agmina multa, ut inter ignes
 Micat candida luna, quum tacet nox;
 Subdolisque jocos, facetiisque
 Vultum Nymphae imitatus elegantis:
 Mea o lacteola, inquit, alma virgo,
 Male est, crede mihi, et laboriose
 Totos usque dies puellularum
 Flosculum in gremio jacere matris;
 Sed tristes animi levare curas,
 Et solatiolum decet laborum
 Post pensum capere, occidente sole.
 Nec longe hinc vaga villula ad Favoni
 Flatus opposita est suaviores,
 Qua nil lactius est, beatiusque.
 Nam veris comites siticulosam
 Aetatem hinc prohibent, et usque amicae

Temperant animae suaviore.
 Huc dum fila trium sinunt sororum;
 Ac dum res patitur, tenella et aetas,
 Huc mecum venias deambulatum.
 At at callidula hinc caput reflectens,
 Haerensque ad latus: en eamus, inquit,
 Quocumque ire velis, comes parata.
 Novas insidias sed instruentem
 Novis pupula et artibus scellit.
 Dumque iter peragit modo huc modo illuc
 Voti compos Amor sibi usque plaudens,
 Se in vicina Nice repente claustra,
 Quo nullis aditus patet profanis,
 Victrix propositi abdidit triumphans;
 Et dulces comitum valere coetus
 Iubens, callidulum dein Amorem
 Impune omnibus excipit cachinnis
 Quotquot sunt lepidis, nec invenustis:
 O factum bene! o Amor miselle!
 I nunc, si potes, et sacris silentiis
 Aude ferre pedes, Amor, profanos.
 Frangas immo, puer, male ominato
 Quae geris latere ustulanda tela,
 Frangas et jaculis gravem pharetram.
 O factum bene! o Amor miselle!



Neapoli ad aedem D. Birgittae tituli temporarii.

I.

VIRGINI. DEIPARAE
AB. ORIGINIS. LABE. IMMUNI
IX. REGII. ITALICI. LEGIO
PATRONAE. SVAE. BENEMERENTISSIMAE
PRO. ANTEACTA. FELICITATE. GRATES
PRO. FUTURA
SOLLEMNES. VERTENTIS. ANNI. SUPPLICATIONES

II.

FERDINANDI. IV. SICILIENSIVM. REGIS
N. M. Q. DEVOTISSIMVS
FABRICIVS. RVFFVS
EQVES. HIEROSOLYMITANVS
TRIBVNVS. MILITVM. IX. LEGIONIS. REGII. ITALICI
LEGATVM. SVVM
CENTVRIONES. SVCCENTVRIONES. QVE
SIGNIFEROS. DECANOS. AENEATORES
RELIQVOS. MANIPVLARES
IPSOS. DENIQVE. MISSOS. CAVSSARIA. MISSIONE
VIRGINIS. CLIENTELAE. TOTOS. PERMITTIT
RATVS
NVMQVAM. MILITEM. REGI. SVO. FIDEM
NISI. ET. DEO. AMICVM

III.

FIDELISSIMA . PRINCIPI . LEGIO
VT . VICTRIX . SEMPER . AVDIAT
EIVS . SE . AVSPICIIS
MERITO . TVETVR
QVAE . AD . HVMANAE . LVCIS . VSVRAM
HOSTES . VINCENS . EVASIT

IV.

DEIPARAE
TVTELAE . SVAE . INDVLGENTISSIMAE
QVAE . IMPEDITISSIMIS . TEMPORIBVS
PRECE . FATIGATA
LEGIONIS . DESIDERIA . NON . AEQVAVIT . MODO
SED . SPEM . FACILE . SVPERANS
VOTIS . SEMPER . DAMNAVIT
VT . EODEM . PRAESENTISSIMO . NVMINE
LEGIO . SEMPER . VTATVR
VOTORVM . SOLLEMNIA

Ibidem .

I.

PRO . SPE . ET . SECVRITATE . AETERNA
OMNIVM . RETRO . MILITVM
IX . LEGIONIS . REGII . ITALICI
ANNIVERSARIA
FVNEBRIVM . OFFICIORVM . IVSTA





II.

AETERNVM. SALVETE. ANIMAE. SVAVISSIMAE

ATQVE. INCOMPARABILES

HAVD. VLLI. AEQVIVS. EST. VMQVAM. PARENTATVM

QVAM. VOBIS. COMMUNIPVLARES

DE. QVIBVS. NVLLAE. PRAETER. MORTEM. QVERELAE

ITERVM. AVETE. ATQVE. VALETE

III.

SACRIS. PIACVLARIBVS. IS. VNVS. ABESTO

AC. PRECES. SVRSVM. NE. FVNDITO

QVI. DE. MORTE. SECVRVVS

OTIOSE. VITAM. AGERE. VALET

IV.

DVM. FESTINANter. ADEO. HVMANI. RVVNT. DIES

NE. PIGEAT. MORTALIS

SVPREMO. HOC. PIETATIS. OFFICIO

MORTIS. INSIDIIS. OCCVRRERE



Neapoli.

ANTONIO . GENVENSI
 DOMO . CASTILIONE . IN . PICENTINIS
 QVI . INGENIO . AD . OMNIA . VERSATILI
 PENITIORES . SCIENTIARVM . OMNIVM . LATEBRAS
 AD . HÆC . VETERES . RECENTIORES . QVE . LINGVAS
 TAM . INTIME . PERMEAVIT
 QVANTVM . EGREGIA . EDITORVM . VOLVMINVM . SVPELLEX
 SATIS . ARGVIT
 VBERRIMO . PRAESERTIM . ELOQVENTIAE . FAMVLATV
 AC . CETERIS . QVOTQVOT . SVNT . ANIMI . SVAVITATIBVS
 REGIBVS . IPSIS . CARO
 FERDINANDVS . LEONIVS . VIIIVIR . REGALIS . PATRIMONII
 HERES . FIDVCIARIVS
 NONNVLLI . QVE . CIVES . MEMORIAE . EIVS . STVDIOSISSIMI
 AMICO . VERE . OPTIMO
 VLTIMAM . HANC . QVOD . VNVM . POTERANT
 AMICITIAE . TESSERAM
 TITVLVM . AERE . COLLATO . PONENDVM . CVRARVNT
 VIXIT . ANNOS . LVI . DIES . XXI . MENSES . X
 REI . LITTERARIAE . VOTIS . HEV . PARVM . NIMIS
 DEPOSITVS . X . KAL . OCT . CIDIICCLIX

*Brundusii in Lucania.*

HEIC. IN. PACE. QUIESCUNT
LAVRENTII. MARTYRIS
VIX. TREDECIM. ANNORVM. PVERVLI
OSSA. SIC. FERME. INTEGRA
VT. SVIS. QVAEQVE. REPOSITA. LOCIS
IN. PRISTINAM. CORPORIS. COMPAGEM
PLANE. COALESCERENT
QVAE. E. COEMETERIO. S. HELENAE
AB. APPOSITO. TITVLO
CETERIS. QVE. MARTYRII. INDICIIS. RITE. EXTRACTA
AC. SVPERIORIBVS. ANNIS. NEAPOLIM. DELATA
MARIA. ANTONIA. GOYZVETA
BRVNDVSII. IN. LYCANIA. DVX
ET. MARCHIONIS. IOANNIS. ASSENTII
FERDINANDO. REGI. A. SECRETIS
FILIA. SVAVISSIMA
BRVNDVSIVM. E. PATERNIS. LARIBVS
AERE. SVO. TRANSFERENDA. CVRAVIT
THECA. QVE. ELEGANTIVS. INSTRVCTA
SVBDITARVM. SIBI. GENTIVM
OCVLIS. AC. VENERATIONI. EXPOSVIT
ANNO. CIDICCCLXXII



Neapoli in suprema Regiae Camerae Curia.

QVOD. FERDINANDVS. IV
 VTRIVSQVE. SICILIAE. REX
 PIVS. FELIX. SEMPER. AVGVSTVS
 AD. AETERNITATEM. NEAPOLITANI. NOMINIS
 VERE. NATVS
 IN. SVPREMA. HAC
 REGII. AERARII. CVRIA
 VRBIS. AC. PROVINCIARVM. FELICITATI
 REI. PRAESERTIM. ANNONARIAE
 VLTRA. OMNIVM. VOTA. PROSPICIAT
 IPSAM. QVE. ADEO. CVRIAM
 OMNI. CVLTV. EXORNANDAM. IVSSERIT
 VTI. TEMPORVM. BEATITATI
 VEL. LOCI. RESPONDERET. ELEGANTIA
 MARCHIO. ANGELVS. CAVALCANTI
 AERARII. QVAESTORIBVS. VICE. SACRA. PRAEFECTVS
 AC. REGALIS. PATRIMONII. XIIVIRI
 PRINCIPI. INDVLGENTISSIMO
 AC. DE. SE. OPTIME. MERITO
 TITVLVM. GRATI. ANIMI. TESTEM
 POSERVNT. D. N. M. Q. E
 ANNO. CIDIICCLXX





Neapoli.

SACELLVM. QVOD. CERNIS. ET. CONDITORIVM
ANNA. MARIA. DE. VRSO. ALBANELLAE. DOMINA
MORTALITATIS. MEMOR
VIVENS. AERE. SVO. COMPARAVIT. ANNO. CIOCCCLXIV
ET. IN. EO. IOSEPHI. MVSCATI
PATRICII. SALERNITANI
VVLTVRALIS. ET. OLEVANI. OLIM. DYNASTAE
NVNC. POPPANI. MARCHIONIS
FILII. SVI. DESIDERANTISSIMI
POST. FVNVS. CINERES. CONLOCARI. IVSSIT
NE. QVOS. EADEM. VOLVNTATVM. CONSPIRATIO
IVNXIT. VIVOS
IPSA. HEV. IMPORTVNA. MORS. DISTRAHAT
ID. QVE. SEPVLCHRV. VT. IN. PERPETVVM
VNIVERSIS. E. MVSCATORVM. FAMILIA. PATEAT
CAVTVM. VOLVIT
ALIOS. HVC. INFERRE. NE. LICETO

*E regione Diatribae Alexii Simmachi Mazochii
in Auctoris Bibliotheca.*

DOMINICO . VENVTO

DOMO . CORTONA

FERDINANDI . IV . CIS . AC . TRANS . PHARVM

SICILIAE . REGIS . EPHEBO

EGREGIIS . ANIMI . SVAVITATIBVS . CIRCVMFLVENTI

INGENIO . VERO . AD . OMNIA . VERSATILI

CAIETANVS . MIGLIORE

IN . EODEM . REGIO . EPHEBO

LATINARVM . GRAECARVM . QVE . LITTERARVM . PROFESSOR

QVOD . CORTONENSES . HASCE . MAZUCHII . DIATRIBAS

DONO . AB . EO . ACCEPERIT

GRATES . PRO . EO . AC . PAR . EST . DICIT

AC . NE . FACTI . MEMORIA . PORRO . EXCIDAT

NOMEN . HEIC . PON . CVR

VII . KAL . DEC . CIOCCCLXII



FORTVNATAE . SVLGHER . FANTASTICI
 ETRVSCAE . NOSTRAE . AETATIS . SAPPHO
 OMNIVM . SVAVITATVM . FLOSCVLO . ELEGANTISSIMO
 CVIVS . EXTEMPORALEM
 IN . FINGENDIS . VERSIBVS . VENAM
 IPSE . INVIDERET . DECIES . CASTIGATVS
 LIMAE . LABOR . ET . MORA
 QVOD . EIVS . EPIGRAMMATA
 AD . ANACREONTICAS . VENERES . CONFORMATA . SIBI . DONO . MISERIT
 CAIETANVS . MIGLIORE
 LATINOS . HOSCE . VERSICVLOS
 QVI . AMICIS . PRO . RE . NATA . EFFLAGITANTIBVS
 E . CALAMO . CONTRA . VOTVM . EXCIDERVNT
 FEMINAE . LATINARVM . GRAECARVM . QVE . LITTERARVM
 RARISSIMO . EXEMPLO . ERVDITISSIMAE
 IN . GRATI . OBSEQVENTIS . QVE . ANIMI . TESTIMONIUM
 LIBENS . LVBENS . MERITO

I.

De Marii Soranzii a Saloi praefectura in patriam reditu.

DUm patrios adire māturat lares
 Ripas Benaci deserens Soranzius,
 Regina forte Adriaci occurrit littoris,
 Torvoque reducem despectans supercilio:
 Cur, dixit, auspicata si Beatitas
 Tecum hinc profecta lateri se addidit tuo,
 Gentes beare posses ut concreditas,
 Cur ipsa tecum fida non redit comes?
 An Diva coelum repetens, unde venerat,

k

Tui ultra habenas dedignata est imperi?
 An immerentes illa Saloi accolas
 Beatiore permutavit omine?
 Atqui reponens placido vultu Marius:
 Immo, inquit, illuc mediis in gentibus
 Inducta nuper, me sequestre, ac vindice,
 Immota sedem sic posuit Felicitas,
 Pedem irretortum ut nequeat refigere.
 Meae interim pertaesa solitudinis
 Vltro mihi se comitem praebet Gloria:
 Sic dum relictæ est illic alma Faustitas,
 Contra inde amicam retuli mecum Gloriam,
 Quacum paternos rursus ingredior lares,
 Fatigue victor, funerisque nescius,
 Dein laude crescā florens usque postera.

II.

*De Deipara sine labe concepta pro Neapolitana
 Alethina Colonia.*

O Rem perlepidam, o nimis venustam!
 Ille anguis maculosus, anguis ille,
 Qui nostros pede ter quater superbo
 Vsque turgidus ambulabat agros,
 Quod cunctis miseram necem parasset,
 Ruinasque graves, dolos veneni,
 Et casus alios periculorum,
 Nunc blandæ nimis ac nimis puellæ
 Plantis conteritur miser tenellis,

Totos dedecus ut dein per annos
 Impressum sedeat , nec eluatur.
 O rem perlepidam , o nimis venustam !
 Nostra ergo tumidus per arva tanto
 Posthac desinet ambulare fastu:
 Et haud vulneris immemor recentis
 Tacebit veteres dein triumphos.
 At tu deliciae , leposque saeculi,
 O ter atque iterum , Puella , salve:
 Tua namque opera anguis ille nostros
 Fastu desiit ambulare campos:
 O rem perlepidam , o nimis venustam !

III.

*De Isidoro Antoniano domo Aquila, dum sacris
 initiaretur ordinibus.*

HEsterna Tiberis die retorquens
 Marrucina suos ad arva ocellos,
 Vidit, quod tumidis Aternus undis
 Ter quater sibi plauderet superbus;
 Quippe blandulus Isidorus ille,
 Quem faciendo aluit sinu Minerva,
 Et bonae Charites , facetiaeque ,
 Iam templa ingreditur novus Sacerdos.
 Arsit Tiberis in omnibus medullis,
 Tactusque invidia magis magisque ,
 Priscos mente tenens adhuc triumphos,
 Quando uni sibi serviebat orbis ,

Parvo cedere nescit ipse Aterno.
 Novas callidulus struens et artes
 Statim caeruleas jubet sorores,
 Ut solent, lepidas, et elegantes
 Lanas excolere, illitis ut ostro
 Persolvant lepidum Isidoro amictum.
 O factum Tiberi bene, ac beate!
 Nam vix perlepada, et nimis venusta
 Fiet Purpura, parvulum Isidorus
 Mutabit Tiberi dein Aternum,
 Decus purpureo additum Senatu;
 Nec posthac tumido Isidorum Aterno
 Omnes invideat Tibris per annos.
 O factum Tiberi bene, ac beate!

IV.

In obitu Ioannis Capycii Episcopi.

DUm modo exanimis bonus Ioannes
 Effertur, Bonitas, Pudor, Venustas,
 Casta Religio, Decor, Fidesque,
 Et quotquot teneris secutae ab annis
 Blandulae Charites, facetiaeque,
 Quaevis turgidulo rubens ocello,
 Quaevis languidulos soluta crines,
 Heu funus comitantur, atque curant.
 Verum ubi cineres recepit urna,
 Nec sperant similem invenire posthac,
 Secum una caput abdidere busto

Blandula heu Bonitas , Pudor , Venustas ,
 Casta Relligio , Decor , Fidesque .
 Quid hoc tristius , invenustiusque ?
 Quippe illo pereunte , heu decorae
 Virtutes pereunt , facetiaeque .

V.

*Optimo nostri temporis poëtae Camillo Zampierio
 Cajetanus Migliore .*

DUm plenos salis , ac facetiarum
 Quos misti hendecasyllabos , Camille ,
 Sicca pumice nuper expolibas ,
 Blandulae Charites , facetiaeque
 Et ridens Venus , Attici et lepores ,
 Secura ut tegerent quiete ocellos ,
 Tuis in lepidis et hic et illic
 Tenellum caput abdidere chartis .
 Nunc si versiculos bonos , suaves ,
 Puros , Iupiter , et Catullianos
 Quis percurrere amet , bone o Camille ,
 Spirant versiculi Atticos lepores ,
 Spirant et Charitas , facetiasque .
 At vobis bene sit , boni o lepores ,
 Vestra namque opera meus Camillus
 Dum sponsi negat utriusque laudes
 Dicere posse pessimus poëta ,
 Tam Sponsi canit utriusque laudes ;
 Quam vel optimus omnium poëta .

DOMINICO . CATTANEO
 SANNICANDRI . PRINCIPI
 PATRICIO . GENVENSIS . AC . NEAPOLITANO
 CVM . SVMMIS . ITALIAE . FAMILIIS
 CAIETANA . DE . CAPVA . AQVAVIVA . CARAFA
 COGNATIONE . CONIUNCTISSIMO
 DIVI . IANVARII . CINGVLO
 ET . AVREI . VELLERIS . TORQVE . INSIGNITO
 INTER . QVE . HISPANOS . PRIMORIS . ORDINIS
 MAGNATES . ADLECTO
 MORIBVS . AD . SEVERIORIS . ETHICES . PLACITA . CONFORMATIS .
 IN . PRIMIS . VERO
 COMITATE . PRVDENTIA . HVMANITATE
 AD . MIRACVLVM . COMMENDATISSIMO
 EFFVSA . DENIQVE . IN . PVBLICOS
 PRIVATOS . QVE . PAVPERES . BENEFICENTIA
 SVpra . CETERAS . ANIMI . SVAVITATES . ILLVSTRI
 QVEM . PER . SVMMOS . MVNERVM . AC . MAGISTRATVVM . GRADVS
 PRAESERTIM . HISPANICAM . LEGATIONEM . PROBATISSIMVM
 CAROLVS . III . AEQVVS . INGENIORVM . AESTIMATOR

IN. INTIMAM. CONSILIORVM. SVORVM. SOCIETATEM. ADSCIVIT
 TVM. REGIAE. FAMILIAE. CVSTODEM. PRAEFECIT
 AD. HAEC. IN. HISPANIAS. ABITVRVS
 FERDINANDI. IV. REGIS. NOSTRI. P. F. A
 PER. PVPILLAREM. AETATEM. A. REGNO. ABSTINENTIS
 CVBICVLARIVM. EDVCATOREM. QVE
 NECNON. DECEMVIRVM. SVMMO. IMPERIO
 BONIS. OMNIBVS. PROBANTIBVS. RELIQVIT
 A. QVO. NE. LATVM. VNGVEM. ABSCEDERET
 SE. SIBI. SVIS. QVE. AC. DOMVI. SVRRIPIENS
 IN. PRAETORIVM. SE. SE. RECEPIT
 NVNC. EIDEM
 HONORIBVS. GLORIA. QVE. ONVSTO
 OPERAM. SVAM. REI. PVBLICAE. REGI. AC. DEO
 PLENISIME. COMPROBANTI
 INTER. QVE. COMMVNES. OMNIVM. PLAVSVS
 AD. PATRIOS. PENATES
 TRIVMPHANTIS. IN. SPECIEM. REDVCI
 S. P. Q. NEAPOLITANVS
 HOC. GRATI. ANIMI. MONVMENTVM

Neapoli.

QVISQVIS . ADES
 PACEM . ADPRECATOR . SYLVIAE . DE . MARRA
 FEMINAE
 CVM . PRISCIS . IPSIS . COMPARANDAE
 CVI . NON . TAM . FILIAE . DESOLATISSIMAE
 QVAM . PIETAS . IPSA . RELIGIO
 IN . LIBERIS . INSTITVENDIS . VIGILANTIA
 LIBERALITAS . PRVDENTIA
 ANIMI . IN . VTRAQVE . FORTVNA . AEQVARILITAS
 AC . RELIQVAE . MORVM . EVAVITATES
 PAREM . HEV . POSTHAC . NON . INVENTVRAE
 PARENTANT
 HAVE . ANIMA . INNOCENTISSIMA
 ITERVM . HAVE . ET . SALVE

Romae.

MARCO . ANTONIO . COLUMNAE
 GENERE . VIRTUTE . AC . PVRPVRA
 VERE . EMINENTISSIMO
 VRBIS . VICARIO
 QVOD . CLEM . XIV . PONT . MAX
 PIO . FEL . AVG . ANNVENTE
 FONTEM . REGENERATIONIS
 ELEGANTIA . QVANTA . MAXIMA
 PEC . SVA . EXCITANDVM . CVRARIT
 SACROSANCTA . SOCIETAS . SACERD . SAECVL
 NE . FACTI . MEMORIA . EXCIDAT
 PATRONO . LIBERALISSIMO
 ANNO . CIOCCCLXXIII . P

*Publicae Disputationis in Abellinensi urbe habitae
Dedicatio.*

MARINO . CARACCIOLÒ . ABELLINATVM . PRINCIPI

ET

MARIAE . ANTONIAE . CARAE . CONIVGI . INCOMPARABILI

SICVTI . GENERIS . AMPLITVDINE . NVLLI . SECVNDIS

ITA . EGREGIIS . ANIMI . ORNAMENTIS

AD . MIRACVLVM . COMMENDATISSIMIS

AD . HAEC . PRVDENTIA . TANTA . ET . COMITATE

VT . SVBDITAE . GENTES

PARENTES . SEMPER . NVMQVAM . DOMINOS . SENSERINT

TVM . IN . FILIORVM . INSTITVTIONE

EA . CVRA . ET . VIGILANTIA

QVAE . VIRTVTVM . POTIVS . QVAM . OPVM . HEREDEM

ABELLINATES . SPERARE . IVBEAT

TANTO . DENIQVE . SVAVITATVM . PENORE . CIRCVMFLVENTIBVS

VT . SPECTATISSIMA . PER . ITALIAM . FAMILIA

PLVS . EIS . DEBEAT . QVAM . IPSI . FAMILIAE

SELECTAS . HASCE . EX . DEI . SCIENTIA . THESES

PATRONIS . INDVLGENTISSIMIS . IVRE . OPTIMO . DEBITAS

ALEXIVS . CATONIVS

ABELLINENSIS . CONLEGII . ALVMNVS

D . D . D . L . M

Neapoli.

DIVO. ANTONIO. PATAVINO
 QVI. OMNIVM. DESIDERIA
 NON. AEQVAVIT. MODO
 SED. ET. MVLTIS. PARTIBVS. SEMPER. EXCESSIT
 SODALITIVM. HOC
 TVTELAE. SYAE. INDVLGENTISSIMAE
 ANNIVERSARIA. VOTORVM. SOLLEMNIA
 PRO. MORE. INDICIT
 NON. PAVOR. AERVMNAE. AVT. PALLENS. TE. VINDICE. MORBVS
 ANTONI. AT. RIDENS. HVC. SVBIT. VNA. SALVS

Romae.

QVIETI. AETERNAE
 ANNAE. MARIAE. MAVILIAE. ROMANAE
 VITAE. INTEGRITATE. AC. MORIBVS. SVAVISSIMIS
 FEMINAE. INCOMPARABILI
 TERESIA. FILIA. ET. HERES
 MATRI. PIENTISSIMAE. AC. BENEMERENTI
 CVM. LACRIMIS. P
 VIXIT. ANN. MENS. DIES. . . .
 FECIT. CVM. IOANNE. CAROLO. DIONIGI
 SINE. VLLA. QVERELA. ANNOS. XXXVII
 DEPOSITA. V. NON. MAIAS. CIOCCCLXXIII

HIERONYMO. FERRIO
 AVREAE. LATINITATIS. AD. AVGVSTEAM. ELEGANTIAM
 CVLTORI. CANDIDISSIMO
 MINVTOS. HOSCE. VERSICVLOS
 IN. IPSO. FORI. TVMVLTV. E. RE. NATA. COMPACTOS
 CAIETANVS. MIGLIORE
 QVOS. TANTO. IVDICI. PERTIMESCERET
 AMICO. SVAVISSIMO. SVI. QVE. AMANTISSIMO
 SI. MINVS. INGENII
 SVI. CERTE. AMORIS. TESTES
 VLTRO. MITTERE. NON. ERVBESCIT

In Ferrariensi apud V.C. Iacobum Agnelli Academia.

IN HOC SIGNO VINCES.

O D E .

Q Vis laeta fulgor lumina verberat?
 Videtis? an me coepit amabilis
 Insania, et dolosa falsis
 Ludit imaginibus furentem?
 Te te corusco cernimus aethere,
 Crux alma, quondam supplicium reis
 Fatale; nunc dignate Christi
 Hospitio, venerande stipes.
 Non sic ut olim per mare naufragum
 Amica moestis sidera fulgere
 Nautis videntur, inquieti
 Vnda minax Adriae recumbit;

Fulges ut armis tu simul, hostium
 Omnis repente en concidit impetus,
 Retroque versa vix furentes
 Victa acies fugiet sagittas.
 Hoc nempe sensit mens bene provida
 Regis, Quirites Christiadam gregi
 Qui primus adjunxit, Crucemque
 Romuleis aquilis revinxit.
 Qualis frequenti mollis anhelitu
 Quem dira vexet littore in Africo
 Fames leo, occultas minaci
 Dente furit reperire praedas;
 Hinc et recurvo quidlibet obvium
 Vngui refringit, nec juga montium,
 Vallesve inhospitas pavescens
 Insolitos meditatur ausus:
 Sic et secundis usque laboribus
 Hac currit illac imperiosior,
 Faustoque Constantinus ense
 Oppositas acies fatigat;
 Et hostium ipso tutus in agmine
 Fallit furentis spicula militis;
 Perque arma, et obstantes phalanges,
 Ac medios properat per enses
 Vbique victor. Immiserabiles
 Frustra heu sagittas vitat eques cadens,
 Et sordido indecorus ictu
 Mordet humum temere insepultus.

Tyrrhena taetro sanguine decolor
 Tibris revisit littora , et ultimos
 Ad usque procurrens Britannos
 Rettulit oceano ruinas.
 Nempe ipsa tantis excita motibus
 Et Inferorum concutitur domus ;
 Caputque sustollens cruentus
 Tartareae dominator aulae
 Videt , profano quod Capitolio
 Romana pubes reddere victimas
 Sueta , nunc quaerit Deorum
 Templa sacro renovare saxo ,
 Crucemque ab altis tollere postibus :
 Ah nostra posthac occidet occidet
 Spes , inquit , et subjectus orbis
 Heu veterem excutiet catenam :
 Nos nos secundis usque ferocior
 Palmis superba victor aget manu
 Impne , florebitque nostris
 Italiae imperium ruinis .
 Haec fatus , unam scilicet invidens
 Vinci per illam , cornigerum citus
 Sceptrum reffringit , propriisque
 Lurida sarta comis revellens
 Injurioso dein pede proruit ;
 Atque Inferorum squallida non semel
 Mugivit horrendum caverna ,
 Et querulo sonuit tumultu .

*In Nuptiis Rodulphi Varani, ac M. Magdalenae
Zanardiae.*

F Lebilibus numeris, Elegeïa, nata, modisque,
 Et dubios casus plangere docta virum;
 Surge age, tolle animos, majoraque viribus aude,
 Nomen et heroo carmine falle tuum.
 Nescio quae insoliti procedit pompa triumphî;
 Necte, precor, vati laurea sarta tuo.
 Dum novus ingreditur tenera cum conjuge sponsus,
 Et properat dextras jungere castus Hymen;
 Laetitia insuetam tollens ad sidera vocem,
 VARANOS patriis excitat e tumulis.
 Vidi egomet densos humeris, velut agmine facto,
 Hac illac proavos, alme RODYLPHE, tuos.
 Adstitit et senio gravis, et felicibus armis
 GENTILIS (1), populi gloria prima sui.
 Quo duce, sanguineas inimica per arma sagittas
 Impavida risit fronte Britannus eques.
 Ardet adhuc veteres iras, vultuque rubenti
 Spirat, et ignitis funera luminibus.
 Hunc prope BERARDVS (2) stricto mucrone rebelles
 Romano rursus subdat ut imperio,
 Fulmineo hac illac impune potentior ictu,
 Per medios ignes, per media arma ruit.
 Cerne, ut honorato sordescant pulvere crines,
 Angat et indomito sudor anhelus equo.
 Excipit hunc terna viduatus prole RODYLPHVS (3),
 (Quantum o crevissent, ni cita mors raperet!

Sed frustra inmites tentavit flectere Parcas
 Mater, inornatas dilaniata comas)
 IULIUS (4) huic iuxta est, animae qui prodigus, ense
 Urget adhuc celeres imperiosus equos.
 Nec procul indignans fugientem e pectore vitam,
 Mordet humum turpi vulnere stratus eques.
 Pone RODULPHVS (5) adest, non una callidus arte,
 Sive opus est armis, seu regere imperio.
 Nec tu alios inter indictus abibis ALEXAS (6),
 Cui premit annosum sacra tiara caput.
 Quem Pietas, sanctusque Pudor comitantur euntem,
 Et lateri custos addita rara Fides.
 Quid reliquos memorem Heroas, quos ordine longo
 Mars fovet, aut docto Pallas amica sinu?
 Purpureo quisquis humeros indutus amictu,
 Quisquis fronde caput comptus Apollinea;
 Certatim accurrunt alacres, carumque nepotem
 Porrecta trepidat ducere quisque manu.
 Aspice, turba ut eat circumstipatus ovanti,
 Cogitur ad plausus sistere saepe pedes.
 Plausibus assultant colles, assultat et aether,
 Et dant Eridani littora pulsa sonum.
 Algosum Padus ipse ima caput extulit unda,
 Et Theris Adriaco plaudere visa sinu.
 Victorum sic Roma ducum spectare triumphos
 Arsit, victrices sic comitata rotas.
 Ipsa quoque Heliadum lacrimosa electra sororum
 Non audent tristes contemerare genas

Et posito ingeminant tantisper gaudia luctu ;
 Fraternal interea funeris immemores .
 Hos inter plausus , tantis et honoribus auctus ;
 Ingredere o patrios , alme RODVLPHE , lares .
 Scilicet in te unum domus inclinata recumbit :
 Ingredere o gentis spes rediviva tuæ .
 Iam taedas quatit almus Hymen ; parat omine certo
 Ipsa maritalem pronuba Diva torum .
 Haud mora , te faciat generosa prole parentem
 Aurea qui torsit spicula sanctus Amor .
 GENTILIS rursus , blando et BERARDVLVS ore ,
 IVLIVSQUE patris rideat in gremio .
 Tantisque ut primum auspiciis adoleverit ætas ,
 Proficiant faustum in nomen , et omen avum .
 Sic tecum longos ZANARDIA vivat in annos ;
 Vivat , et alterna spiret uterque face .

-
- (1) Moretus in Lexico ad vocem VERRIO: *Gentil*, qui fut le premier, qui eut le domaine de sa famille en Conerino... Il fut Capitaine general du meme Alexandre IV., et Colonel de Cavalerie pour Odoard Roi d'Angleterre.
 (2) Idem: Berard. I. Il reconquit par force d'armes a l'Eglise Urbin, Osimo, Recanati, et Fano.
 (3) Idem: Rodolphe I. Celui-ci eut de Galatee de la Maison Royal d'Angleterre, trois fils nommes Jean, Sigismoud, et Rinalduccio tres-valeureux en armes, qui decederent sans succession.
 (4) Idem: Jules Cesar etant homme assez vaillant fut Capitaine general de Martin V., de Florentins, du Duc de Milan, et de la Republique de Venise, qui l'admit au nombre de patrices Veneziens avec ses descendants.
 (5) Idem: Rodolphe II. Etant apres revenu en Italie Louis, et Jeanne Rois de Naples le creerent Vice-Roi de l'Abruzzo en 1354. Il fut Capitaine general de l'armee de l'Eglise, mit en deroute celle des Malatestes, des Ordelaphes, et de Gentil de Fermo, et conquit a l'Eglise la Marche, et la Romagne.
 (6) Idem: Dom. Alexandre frere de Dom. Hercule mourut Evêque de Macerate l'an. 1735. Reliquos ejusdem familiae viros vide apud Morenium loc. cit., ubi plures annos refert de nobilissima ea gente scriptores.

*Ob restitutam Sedi Apostolicae Avenionensem ditionem
Arcadici conventus in Luco Parrhasio gratulationes.*

Cernitis? an dulcis coepit me insania? nuper
Atroci hac illac volitans Discordia fastu
Palmam ostentabat victrix, fraudumque secundo
Ebria successu, majoribus usque ruinis
Instabat capiti meditans nova funera nostro.
Ecce autem obscuras ceu nubes ventus, et imbres
Dissipat Arctoo spirans Borealis ab axe,
Ausonia extemplo, Romanaque moenia felix
Pax repetit, secumque soror Concordia pannis
Advolat auratis coelo delapsa sereno;
Postibus et Iani clausis, radicitus omnes
Extirpat belli caussas, ac semina culpae,
Et grave tergemino reparatur foenore damnum.
Accipiunt, agnoscuntque illam Hebrusque, Tagusque,
Et qui te, Sebethæ, bibunt, celeremque Garumnam.
Ipse pater Tibris præcinctus arundine crines
Exsultat, repletque vadis spumantibus alveum,
Atque hilares viridi redimitæ tempora serto
Ter quater effusos tollunt ad sidera plausus
Najades, et septem respondent undique colles;
Dum tristis scissa plorans Discordia palla
Incassum Eumenidas taetro ciet ore, minasque
Incassum jactat; nam centum onerata catenis
Cogitur Oenotriis actutum excedere terris,
Atque Acheronteï se condere faucibus antri.
Nempe Quirinali accipimus rite omen ab arcæ:

m

Te, te, tantorum, Clemens, o caussa bonorum
 Alterum uti Patrem, fundatoremque quietis
 Roma minor pedibus iterumque iterumque salutat.
 Per te prisca redit Romani gloria saeculi,
 Relligio, Pietas, albo velataque panno
 Iustitiae soror alma Fides, Bonitasque, Pudorque,
 Ingenui mores, et pleno Copia cornu
 Victrix Tarpeja vexillum extollit ab arce;
 Nec procul insueto circumdata Pallas amictu,
 Quam centum facto circumstant agmine Divae,
 Musarum merita cultores fronde coronat.
 Hanc prope sancta Themis nunc praemia lance rependeus
 Nunc poenas aequa, pede proruit usque potentum
 Gratiam, amicitias, aurum, fraudesque, dolosque.
 Quid mirum tantis si plausibus excitus ipse
 Oceano caput extulerit Neptunus ab imo,
 Nereides, Triton, Glaucus, Thetis, Amphitrite,
 Et placido circum submurmuret aequore littus?
 Tanti est, alme pater, roseae quod prima juventae
 Tempora semotae per sacra silentia vitae
 Duxeris, irrepit quo numquam blanda voluptas,
 Deliciae molles, turpis vel inertia, at una
 Cura est divinis usque impallescere libris,
 Longasque in studiis noctes vigilare severis.
 At tu parce, precor; sint haec licet optima, cunctas
 Officiisque tuis longe spes viceris, a te
 Majora at Roma exspectat, melioraque semper.
 Ergo vive diu; felices vive per annos,
 Nobis at vive, ac Superos dum rite precamur,
 Intonet, et fausto respondeat omine coelum.

Ob restitutam Pio VI. salutem

E C L O G A.

TITYRVS, ET CORYDON.

Tit. **S**iste gradus, Corydon: vicini fontis ad oram,
Limpida ubi placido submurmurat unda susurro,
Adsideas, missis ad pascua nota capellis;
Et laeto quoniam currentibus ordine rebus
Candida per sylvas regnat, per et arva voluptas,
Gaudia nos etiam tenui, testemur avena.

Cor. Vt lubet; en ultro tua, Tityre, jussa capessam;
Nam quis non hilares depromat pectore voces,
Dum resonant valles, intonsi et *DAPHNIDA* montes,
Pallida quem nostris prope mors inviderat arvis?
Squallebant taetra septem caligine colles,
Et malesana nigros macies obduxerat agros.
Ipsae te rupes, ipsa haec te flumina flebant,
DAPHNI, nec assuetas, inverso vomere, terras
Aut bos, aut avidus valuit curare colonus:
Non ausa est dulcem muscosi fluminis undam
Maesta ovis, aut teneras attingere graminis herbas.

Tit. Ah Corydon, Corydon, nisi mens mihi laeva fuisset,
Non semel infausto praedixerat omine tellus;
Nam neque pallentes violas, mollesque hyacinthos
Vere novo, aut rubea depinxit fronde papaver;
Sed medias ingressa hyemes, mirabile visu!
Ipsa canis rabies crescentes ussit aristas.
Vberibus quoque distinctis ter jussa venire,

Ter renuit trepidans properare ad mulctra capella.

Cor. At tu quid tristes, aegroto DAPHNIDE, campos,
Omnia si incolumi nunc rident DAPHNIDE prata?
Ille ubi Romuleis rursus se praeibit oris,
Fertilitas iterum flaventia rura pererrat;
Vernat ager, rident colles, et prata virescunt,
Injussae veniunt fruges, promittit et arbos
Poma, quot exactis vix forsant protulit aëvis.

Tit. Grex etiam macie nuper confectus, ovile
Quam bene nunc circum, DAPHNI redeunte, revixit!
Qualis o hinc nobis (nec fallor) copia lactis,
Et niveae lanae, quanta et faetura redibit!
Curabit quoad DAPHNIS oves, oviumque magistros,
Non sublapsa lues, non vis inimica luporum,
Intactum nec dira pecus contagia laedent.
Exsiccata Palus, tuque, o Pometia, testis,
Quo gravidis accita Ceres dum ridet aristas,
Indignans macies, morbusque, ac turpis egestas,
Aëris et gravitas Libycis se se abdidit antris.

Cor. Saepius et clausis adstat vigilantior hortis,
Quos vario per se gaudet depingere flore,
Alba ligustra rosis miscens, et lilia anethis;
Ac modo contextis inducit frondibus umbras,
Nunc teneras rigido defendit frigore plantas.

Tit. Quis sileat dulces, quas fundit ab ore loquelas,
Pastorum turba circumstipatus ovanti,
Per festos ubi nostra dies altaria fumant,
Sanctaque sollemni mactatur victima more?

Vocibus illius assultant undique colles,
Et plaudit flavus submisso murmure Tibris;
Dum pecus interea insueta dulcedine captum
Immemor herbarum arrecta bibit aure loquentem.

Cor. Sed tu desine plura; manu mihi sumpta cicuta est;
Carmina DAPHNIS amat, nostro sit carmine dignus.
Incipe tu prior, alternis cecinisse juvabit.

Tit. Puniceis invecta rotis aurora refulgens
Nocturnas abigit tenebras, solemque reducit;
DAPHNIS ubi nostris iterum se reddidit arvis,
Pastori, ac pecori, amoto dat gaudia luctu:
Dicite jucundum, mea carmina, dicite DAPHNIM.

Cor. Candida nocturnas niveum cum Luna per umbras
Exserit os, ignes secum fert illa minores;
Sic Pietas, et rara fides, Bonitasque, Pudorque
His rediere simul, redeunte huc DAPHNIDE, pratis:
Concine festivos, mea tibia, concine versus.

Tit. Languescunt flores, exustaque terra dehiscit,
Fecundos coelum quo tempore denegat imbres;
DAPHNIDIS haec tellus studium dum sentit amicum,
Arescit numquam, non imbribus indiget ullis,
Dicite jucundum, mea carmina, dicite DAPHNIM.

Cor. Cum fons irriguus siccis immittitur hortis,
Vires herba statim moriens, vitamque resumit;
Nostros dum DAPHNIS conclusos educat hortos,
Non sitiens alias flos, plantaque postulat undas:
Concine festivos, mea tibia, concine versus.

Tit. Gaudete, agricolae; vestris duce DAPHNIDE campis,

Spissa seges vacuis numquam spem fallat aristis ;
 Musta exundabunt lacubus spumantia plenis ,
 Fertilibus semper ramis curvabitur arbos :

Dicite , jucundum , mea carmina , dicite DAPHNIM .

Cor. Gaudete et vos , pastores ; dein auspice DAPHNI ,
 Candida semper oves praebebunt vellera , semper
 Faetura et pecudum reparabit damna cadentum ,
 Et his injustae venient ad mulctra capellae :
 Concine festivos , mea tibia , concine versus .

Tit. Per nemus obscurum , DAPHNI custode , deinceps
 Ite meae , quacumque libet , procul ite , capellae ;
 Seu somnos captare juvet , seu frigus opacum ,
 Non vespertinus circumgemet ursus ovile :
 Dicite jucundum , mea carmina , dicite DAPHNIM .

Cor. Sic modo , DAPHNI , suis de annis quoque longū agere aevū
 Gaudeat agricola , ignitas te donec ad arces
 Scandere suspiciat , qua virtus astra recludit ,
 Ac nova gramineo consurgant cespite templa :
 Concine festivos , mea tibia , concine versus .

Tit. Sint satis haec , Corydon ; jam sol se mergit in undas ,
 Atque domum saturae properant remeare capellae ;
 DAPHNIDA nos melius , dederit modo Musa , canemus .

In obitu Marchionis Nicolai Fraggianni .

Quid , si visa tuas , Fraggianne , inopina per aedes
 Non exoratum mors modo ferre pedem ?
 Scilicet haud una sensit vice callida , quod si
 Expectata tuas tentet adire domos ;

Relligio, Pietas, et pleno copia cornu (*),
 Incorrupta Fides, Candor, et alma Themis,
 Ne sua quotquot habent tecum decora alta perirent,
 Et caderes multis flebilis ipse bonis,
 Vndique circumstent, ictum dextraque levantes
 Surripiant avida ex falce mori immeritum;
 Suspenso irrepens pede vix securum agere aevum
 Cernit eas, subitas injicit illa manus.
 Quodque erat in votis, multos collecta per annos
 Secum uno exsultans funere cuncta rapit..
 At quid tu, demens, fortunaque ebria dulci,
 Abscisum jactas, mors, spolia ampla, caput?
 En pars multa sui libytinam vitat, et omnis
 Non moriens, crescet laudibus usque recens.

Salvatori spiriteo Cajetanus Migliore
In nuptiis Gerardi Carasae, atque Helenae Serrae.

O Mnum lepidissimo poëtae
 Velim Spiriteo, papyre, dicas,
 Quod jam blandidulus meus Gerardus,
 Omnium puer elegantiarum,
 Iungitur lepidae nimis puellae.
 Quivis gaudia miscet, atque ad astra
 Quivis Helenulam, Gerardulumque,
 Quivis usque Gerardulum, Helenamque
 Multo praetrepidat vocare versu.

(*) *Annonae praefecturam innuit.*

Quare et excutiat suam camoenam
 Omnium lepidissimus poëta,
 Cui versus lepidi, bonique vena
 Injussi veniunt benigniore;
 Cujus ore, labellulisque blandae
 Subsident Veneres Catullianae,
 Subsident Charites, Facetiaeque,
 Doctae, Iupiter, elegantiaeque.
 Quare et excutiat suam camoenam
 Omnium lepidissimus poëta.
 Meo haec nomine pluries rogabis,
 Plurimamque ubi dixeris salutem,
 Docto non sine carmine huc redito.

V. C. Cajetano Migliore Marchio Salvator
 Spiriti salutem.

INter clara ingenia, Gerardi Caraphaei, et Magdale-
 nae Serrae nuptias versibus exornare volentia, ut ego
 quoque symbolam conferrem, sapidissimis tuis hendeca-
 syllabis, mi Cajetane, provocasti. Reponam illud: *Senex*
bos parum aptus ad arcetrum; nec te fugit, quantis di-
 stinear curis, quibus aerumnis afflicter. Nihilominus quo
 tibi morem gererem, barbyton sumpsi, lyram pertenta-
 vi; at quid inde? dicam ingenue, caput scabere, et un-
 gues obrodere parum profuit: nihil ex voto successit.
 Quamobrem amicorum suavissime, excusatum me habeas,
 et ubique credas, quod, ut ait poëta, a sicco pumice
 quaeris aquam. Vale.

Ob exhibita Pontifici ab Auctoris amico numismata.

CLEMENTI. XIV. PONT. OPT. MAX
QVOD . PACEM . ET . PACIS . ARTES
ROMANIS. SVIS. CONCILIAVERIT
BINA . TITI. ET . TRAIANI
OPTIMORVM. PRINCIPVM
MAXIMI. MODVLI. NVISMATA
AD. HAEC . VIGINTI . DVO
QVAS . NEMO . ADHVC . COLLEGIT
M. ANTONII. IN . NVMMIS . LEGIONES
BINA. DENIQUE. FAMILIARVM
RESTITVTA . VTI . VOCANT . NVISMATA
MECOENATI. SVO. BENEMERENTISSIMO
SI. MINVS. QVOD. VELLE
QVOD. CERTE. POTEST
GRATI . ANIMI. MONVMENTVM
D. D. D
DEVOTVS. NVMINI. MAIESTATI. QVE. EIVS



Neapoli in Coenobio sub titulo Reginae Coeli.

SILVIAE. DE. MARRA

E. GVARDIAE. LOMBARDAE. DVCIBVS

SYNOPOL. COM. SCYLL. PRINC

MATRONAE. RARISSIMI. EXEMPLI

QVAE. EX. AMISSO. CONIVGE. CONCORDISSIMO

GVILELMO. RVFFO

CVM. QVO. VIXERAT. SINE. VLLA. QVERELA

ABDICATIS. INANIS. GLORIAE. TITVLIS

SACRA. HAEC. CLAVSTRORVM. SILENTIA

DEO. AC. SIBI. VNICE. VICTVRA. ADIVIT

THERESIA. ELEONORA. IOANNA. FILIAE

COENOBII. HVIVS. VIRGINES

DOLORI. HEV. NON. ADMISSVRAE. SOLATIVM

MATRI. DVLCISSIMAE. AC. BENEMERENTISSIMAE

PRAEREPTVM. CETERIS. AFFINIBVS. OFFICIVM

MOERENTES. PERSOLVVNT





Sub effigie S. Cassiani Comaclensium patroni primarii.

FRANCISCO . CARD . CARAFÆ
FERRARIENSIS . DITIONIS
PRO . SEDE . APOSTOLICA . LEGATO . A . LATERE
PVBLICAE . FELICITATIS . REPARATORI
QVOD . SENATVM . POPVLVM . QVE . COMACLENSEM
A . SVA . NVMQVAM . CLIENTELA
VEL . A . PROVINCIA . DISCEDENS . DISTRAHI . PASSVS
PERPETVVM . HVIVS . VRBIS . PATROCINIVM
CONSPIRANTIBVS . OMNIVM . ORDINVM . SVFFRAGIIS . CONLATVM
LIB . LVB . EXCEPERIT
VALENTINVS . A . SANCTO . IOANNE . BAPTISTA
AVGVSTINIANVS . EXCALCEATORVM . FAMILIAE . FILIVS
COMACL . PRO . SAC . INQVIS . VICARIVS
HANC . S . CASSIANI
PRIMARIJ . COMACLENSIVM . TVTELARIS . IMAGINEM
PATRONO . BENEMERENTISSIMO
GRATI . ANIMI . MONVMENTVM
D . D . D
ANNO . CIDIICCLXXX





Neapoli.

COMITI . DOMINICO . DE . ALMARZA
NEAPOLITANO
IOSEPHI . PATRICII . TARRACONENSIS
SVB . PHILIPPO . IV . HISPANIARVM . REGE
MILITVM . TRIBVNI
TVM . PROVINCIAE . PRINCIPATVS . CITERIORIS
VICARII . VIGILANTISSIMI . FILIO
CVIVS . IVSTITIA . MORVM . SVAVITAS
EXIMIA . IN . DEVM . PIETAS
SYMMA . VERO . IN . EXPEDIENDIS . NEGOTIIS . DEXTERITAS
PRAESERTIM . GERMANICA . LEGATIO
AD . PACEM . INTER . CAROLVM . VI . AVG
ET . PHILIPPVM . V . HISPANIARVM . REGEM
ANNO . CIOCCCXXV . EX . STIPVLATV . FIRMANDAM
ITA . DD . NN . REGIBVS . COMMENDARVNT
VT . REGII . FISCI . IN . M . C . V . PATRONVS
AD . HAEC . SANCTIORIS . S . CLABAE . SENATVS . VVIR



TVM . SICILIAE . PROREGI . A . CONSILIIIS
IN . SVPREMO . DENIQUE . E . REGIS . LATERE . CONSILIO
REGENS . RENVNCIARETVR

HVIC

VIENNAE . AVSTRIACAE . ANNO . CIOCCXXXV
AETATIS . LXVI . CVM . OMNIVM . LACRVMS . SVBLATO
QVEM . TITVLVM

COMES . ANTONIVS . COPPOLA . SORORIS . FILIVS

HERES . EX . ASSE

XIIVIR . PRAEFECTVS . AERARII
AVVNCVLO . OPTIMO . AC . BENEMERENTISSIMO
SVPREMIS . TABVLIS . APPONI . IVSSERAT

CAESAR . EIVS . FILIVS

REGALIS . PATRIMONII . LAICVS . PRAESIDENS
REGIORVM . SITVVM . AC . REI . MONETARIAE . PRAEFECTVS
PONEND . CVR . ANNO . CICIOCCLXIV



In fronte Diatribae Romanis typis edendae .

EMINENTISSIMO . AMPLISSIMO . QVE . VIRO
 LAZARO . OPITIO
 EX . SPECTATISSIMA . PALLAVICINORVM . FAMILIA
 INTER . ITALIAE . PRINCIPES . ADNVMERANDA
 PATRICIO . GENVENSI
 QVI . AETATE . ADHVC . VERNANTE
 APOSTOLICVS . APVD . NEAPOLITANOS . LEGATVS
 IPSAM . AVORVM . GLORIAM
 EGREGIIS . ANIMI . SVAVITATIBVS
 MATVRITATE . PRAESERTIM . CONSILII
 MAGNIFICENTIA . COMITATE . MODESTIA
 LITTERARVM . CVLTV . EGREGIE . AVXIT
 AD . HAEC . IN . HISPANICA . LEGATIONE
 DIFFICILLIMIS . ASPERIS . QVE . TEMPORIBVS
 PONTIFICIAE . SEDIS . MAIESTATEM
 SVPRA . FIDEM . AMPLIFICAVIT
 QVEM . DENIQVE
 GLORIA . ET . MERITIS . ONVSTVM
 VIRTVTES . IPSAE . AD . ROMANAM . PVRPVRAM
 PROBANTIBVS . OMNIBVS . EVEXERVNT



ET

CLEMENS. XIV. PONT. MAX
ACERRIMVS. INGENIORVM. AESTIMATOR
NE. DE. SVO. VMQVAM. LATERE. DISCEDAT
IN. SVPREMIS. REI. PONTIFICIAE. NEGOTIIS
SIBI. A. SECRETIS. CONSTITVIT
QVEM. TAMEN
GRAVISSIMA. IPSA. NEGOTIORVM. MOLES
AB. SVIS. MVVIS
ET. INGENVARVM. ARTIVM. AMOENITATIBVS
NVMQVAM. DISTRAXIT
CAIETANVS. MIGLIORE
LIBELLVM. HVNC. AB. RERV. PONDERE
ET. MOLE. TENVISSIMVM
AB. OBSEQVIO. VERO. ERGA. OPTIMVM. PRINCIPEM
NVLLI. SECVNDVM
VT. AB. ANONYMI. OBTRACTATORIS. CONVICIIS
AVCTORITATE. SVA. TVEATVR
PATRONO. INDVLGENTISSIMO

D. D. D





CIV

Sorae in regno Neapolitano.

RINALDO. SANTOMANGO

BENEDICTINAE . FAMILIAE . ABATI . VIGILANTISSIMO

AC . SALERNITANO . VLTIMAE . ANTIQVITATIS . PATRICIO

QVEM . PER . VARIOS . MVNERVM . GRADVS

SATIS . SPECTATVM

AD . SVPREMAM . CASSINENSIS . DIOECESIS . PRAEFECTVRAM

AVITAE . MAIORVM . IMAGINES

AC . SVVS . VIRTVTVM . OMNIVM . FAMVLATVS

PORRECTA . DEXTERA . EVEXIT

SEMINARII . HVIVS . ALVMNI

TANTO . POSTHAC . PATRE . BEATISSIMI

VMBRATILES . HASCE . EXERCITATIONES

SI . MINVS . INGENII

SVI . CERTE . OBSEQVII . AC . LAETI . ANIMI . TESTES

PATRONO . BENEMERENTISSIMO

MAIORA . IN . DIES . RITE . ADPRECATI

D . D



IVLIO. PERINIO
 ANIMAE. CANDIDISSIMAE
 CIVIS. AVREAM. IN. SCRIBENDO. VENUSTATEM
 PONDEROSA. VINCIT. SEMPER. RERV. COPIA
 AC. SVBACTA. INGENII. MATVRITAS
 VT. NEC. VERBIS. ELEGANTIAM. NEC. SENTENTIIS. IVDICIVM
 VSQVAM. DESIDERES
 CAIETANVS. MIGLIORE
 PAVCVLA. HAEC. EPIGRAMMATA
 AMICIS. E. RE. NATA. POSTVLANTIBVS. CONSCRIPTA
 AMICISSIMI. VIRI. MANIBVS. LVBENTER. SISTIT

I.

In nuptiis Iulii Scacernae, et Annae Ricciae.

A Vrea quæ quondam Saturno saecula rege
 Redderet ut nostrae Iupiter Italiae,
 AGLAIAM haud pridem Hesperias demisit in oras,
 Cui Venus, et comitem se dedit almus Amor.
 Hanc Teresiolae mutatam nomine Divam
 Scacernae sancto foedere junxit Hymen.
 Altera mox summo delapsa est Gratia coelo
 EUPHROSYNE, et placida qua fluit Arnus aqua,
 Nuberet ut fratri Carolo, Francisca vocari
 Maluit, ac sponsae vultum imitata Dea est.
 Tertia restabat Charitum formosa TALIA,
 Ricciolae in roseis abdita Virgo genis.
 Nunc quis non magno Divum sine numine factum
 Deneget, ut nubat Riccia Iuliolo?
 Sic quas una olim Charites Iovis aula tenebat,
 In terris etiam tres habet una domus.

(*) *Alexandri Scacernae Ferrarientis tres supersunt filii; Franciscus natu maior, qui nupsit Teresia Testori domo Liburno; Carolus natu minor, cui nupsit Francisca Baretti Florentina; Iulius natu minimus, cui nunc feliciter nubit Anna Ricci Ferrarientis, quas quidem mulieres, ut patria dispares, sic venustate, ac lepidissima forma plane gemellas dixeris.*

II.

In Nuptiis Laurentii Rondinellii, et Celtrudis Gnudiae.

Celtrudem placidas vicini ad fluminis undas
 Nympharum tenero cum grege vidit Amor.
 Ceu solet assuetis, Zephyro praeunte, columbis
 Cypria ad Idalium Diva redire nemus.
 Ah mater (simili deceptus imagine dixit)
 Sic servas formae praemia justa tuae?
 AVREVM Acidalio delapsum in vertice POMVM
 Erranti nuper se mihi forte dedit.
 Accipe, divinus meruit quos vultus honores,
 Vtraque quum Phrygio iudice victa Dea est.
 Subrisit furtim Virgo, faciliq; rubore
 Explicuit roseis, quod tacet illa, genis.
 Non mihi, sed Cypriae, dixit, fer munera Divae;
 Debentur meritis praemia digna suis.
 Humanam agnovit mortali e pectore vocem
 Tunc Amor, errori plausit et ipse suo;
 Ac tibi quis pomi meritos neget, inquit, honores,
 Si Venus in vultu subsidet ipsa tuo.

III.

In idem.

Eridani ad ripam occurrens Cythereis Amori:
 Vnde oculos, inquit, qui modo coecus eras?
 Quod temere humanas feriant mea spicula mentes,
 Me coecum posthac jusserat esse Pater.
 Verum ubi Celtrudem per me Laurentius arsit,
 Plausit, et antiquos reddidit ille oculos,

IV.

In mortem Lucretiae Agujarae.

Dum tenebris adoperta caput Mors visa canorae
 Phyllidis immiti currere falce lares:
 Parce, ait Harmonia, heu miserae mihi parce precanti;
 Ah mea tot pereunt, illa abeunte, bona.
 At Pietas, tardo quid cessas cuspide, dixit,
 Æthercis meritam sedibus inserere?
 Tunc Mors suspenso paullisper restitit ictu;
 Dein placido hos ridens reddidit ore sonos:
 Ultima si cantus tetigit fastigia, vivens
 Nil ultra Harmoniae, quod dare possit, habet.
 Ergo habeat meritos moriens Pietatis honores:
 Sic referet fructus utraque Diva suos.

V.

Ingenuae Artes ad Pium VI. Pont. Max.

Nosne tibi, Princeps, an debes tu mage nobis?
 Cui vel ab alterutro gratia major erit?
 Te nos tergemino diademate tempora cinctum
 Porrecta ad solium duximus usque manu.
 Tuque studes contra supremo e culmine felix
 Vt priscus nobis restituatur honor.
 Officiis ergo certabimus usque vicissim,
 Victus ut alternis vincat uterque simul.
 Nam meritos nobis ut reddere pergis honores,
 Æternum per nos sic Tibi nomen erit.

VI.

In obitu Comitis Camilli Zampieri Poetae maximi.

DVm laudes, Alceta, tuas cecinisse juvaret,
 Cur negat assuetos reddere Musa modos?
 Nempe nigra Aonius languet caligine vertex
 Morte tua, ac tristes stant sine voce Deae.
 Te dicente, tuo consueverat ore Thalia
 Dicere: cum taceas, non minus illa tacet.
 Solum hoc Pierio lacrymabile carmen in antro
 Personat: heu virtus tam bene culta jaces.

VII.

Ob restitutam Phyllidi salutem.

ABliderat roseo jamdudum Phyllidis ore
 Quotquot habet teneras Cypria Gratiolas.
 Hinc lento ut Phyllis languet male firma calore,
 Heu languent Charites, Cypria turba, Deae.
 At Venus indignans ignitas attigit arces,
 Ausa ipsum coelo sollicitare Iovem.
 Ægrotae antiquam tum reddidit ille salutem;
 Sic Veneri Charites reddit, ut ante, suas.

VIII.

Ad Phyllidem, cui inexpectatus ex ore sanguis effluxit.

CVr faciles, mea Phylli, novus tremor occupat artus,
 Si tua non sueto sanguine labra rubent?
 Quem Veneris tenero expressit pede spina cruorem,
 Servat adhuc foliis hunc Rosa tincta suis.
 Si roseas ergo decerptas fronte corollas
 Deposuit labris Cypria Diva tuis,
 Dum Charites, blandique movent tua labra lepores,
 Non tuus, at Veneris defluit inde cruor.

IX.

Phyllis e balneo.

H Vmidulos tepido surgens e fonte capillos
 Cur differs manibus tergere, Phylli, tuis?
Quam maris e fluctu natam depinxit Apelles,
 Aureolis spumas exprimit illa comis.
Id modo ne renuat Phyllis, tum visa cuique
 Phyllida, non Venerem pingere Graeca manus.

X.

Phyllidis effigies.

Quid remoraris adhuc? lepidam quid Phyllida, pictor,
 Desperas dubia pingere posse manu?
Si Cypriae concham Veneri, junctasque columbas
 Sedulus abstuleris, jam tibi Phyllis erit.
Mox concham, et junctas si reddas forte columbas,
 En iterum nobis haec erit alma Venus.

XI.

Sub Phyllidis imagine.

Fronte Minerva sedet; latet abdita Cypris in ore;
 Lumina finxit Amor: quis neget esse Deam?

XII.

*De pictae tabulae lineamentis, quae Mengsius
 sub mortem incompleta reliquit.*

Vidit adumbratas tabulae mors invida formas:
 Quid si perficiat? nec mora, fregit opus.

XIII.

De Iacobo Agnello V.C. pro suo poemate

DE CHRISTO REDEMPTORE.

Scribenti hinc aderat Pietas, hinc docta Poësis;
 Haec mentem, illa animum dirigit, ambo manum.

XIV.

Borussiae Rex de novo in sui laudem poemate.

Tota quod in nostros armata Europa ruinas
Immenso stantem haud agmine prouerit;
Quod scierim, duris ut tonsa bipennibus illex,
Per damna, et caedes ducere firmus opes,
Æmathium aequasse Heroem haec me praedicat aetas,
Praedicat extremi nescia summa rogi.
At docto, Francisce, tuo quod carmine dicar,
Postera Alexandrum me superasse canet.
Nam Macedo aedituum quaerens sua facta canentem
Visus Achilleo marmore dura queri.
Te vate, haud longa urgentur mea praelia nocte,
Et me qui cantet, vivit Homerus adhuc.

XV.

*Ad March. Salvatorem Spiriti pro egregio
de Machina Electrica Carmine.*

TE nova naturae nuper miracula canentem,
Et mira effectus Machina quot pariat,
Dum simul exciti circumstant undique vates,
Sablataque tuum dum melos aure bibunt,
Pallenti hos inter visus Lucretius ore est,
Multa gemens propriis vellere sorta comis.
Scilicet creptum doluit lacrimatus honorem,
Quo nullum tulerat fama fuisse parem.
Naturam numeris primus cum dixerit ille,
Trita quidem cecinit nullius ante pede.
Non prius auditas naturae tu quoque causas,
Dictaque nullius hactenus ore, canis.

XVI.

*In funere Isabellae Mastrilli maximae nostri
temporis vatis.*

C Vi sacros Phoebus penetrare, Isabella, recessus,
Et dedit Aonium scandere Musa jugum,
Cur tragicis olim defunctum, altisque cothurnis
Barbiton ehu renuit tendere pigra manus,
Importuna tuas ubi currere visa per aedes
Atropos? ah mortis sic tibi causa tuae es.
Nam te si plectro cantantem plenius aureo
Audisset magnum tristia fata virum;
Dura licet, vitae fatalia stamina Parca
Haud poterat dulci frangere capta sono;
Et proprii suavi cantu jam muneris illa
Immemor, usque humeris dulce melos biberet.
Carmine sic stupidas demittit Cerberus aures,
Eoliis sappho dum queritur fidibus.

XVII.

Ad Vesuvium.

Q Vi modo finitimis meditatus damna colonis
Obrueras culti jugera multa soli,
Flammarumque novos tollens ad sidera nimbos
Abstuleras dominis pingua rura suis;
Adspice, ut immensum jam argenti pondus et auri,
Rege auctore, ex igne integra rura parent.
Venturi prudens, congestis undique saccis,
Possit ut ire tuis obuius ille malis.
Dein Campana libens domino, vicinaque raptas
Arva, haud ablatos ille dolebit agros.
Et positis gaudens, Fernando vindice, acervis,
Felix arva suo haud sentiet igne rapi.

XVII.

Hieronymus Ferrius Cajetano suo.

MEnse vacas toto, nostros et visere colles
Negligis? ah nescis quod facinus facias?
Hic Pomona suas sedes jam fixerat ante,
Bacchus et hic vites ponit, et ipse colit.
At postquam Phyllis laetas concessit in oras,
Atque Gnidum, atque Paphum deserit alma Venus.
Circumstant Charites; faciles sonuere lepores;
Et locus, et Risus consider ante fores.
Vnus Thyrsis abest. Adsit cum Phyllide Thyrsis;
Pulchrior in terris nec locus alter erit.

XIX.

Cajetanus Migliore Hieronymo suo.

MEnse vacans nullo, vestros quî visere colles
Possem? ni mecum ludere forte velis.
Hic premit assiduus Provincia tota libellis,
Hic gens clamoso fallere docta foro.
At postquam Phyllis nostris decessit ab oris,
Et secum Eridanum deserit alma Venus.
Laetitia hinc procul, et faciles abiere lepores,
Nec locus, aut Risus consider ante fores.
Huc redeat Phyllis, redeat Vertumnus amicis,
Gratior et rursus ibit, ut ante, dies.

Romae.

HEIC. IN. PACE. QVIESCIT
 DOMINICVS. IORDANVS
 GARGANI. IN. APVLIA. NATVS
 QVI. POST. FEDELEM. NAVATAM. OPERAM
 MARTINO. CARACCIOLO
 PONTIFICIO. APVD. VENETOS. LEGATO
 IN. REGENDIS
 FERRARIENSIS. INTER. AC. VENETOS. FINIBVS
 ATQVE. IN. L. ERIGENDIS. BREPHOTROPHIIS
 THELAE. TVM. EPISCOPVS. CREATVS. FVIT
 NON AD. MAIORA. EVOCATVS
 ET. NICOMEDIENSIS. ARCHIEPISCOPATV. AVCTVS
 CONGREGATIONI. REGVLARIS. DISCIPLINAE
 A. SECRETIS. EST. FACTVS
 TVM. A. CLEM. XIII. P. M
 AD. ANTIOCHENV. PATRIARCHATVM. EVEGTVS
 GRAVISSIMO. VICES. GERENTIS. MVNERE
 PER. ANNOS. XIV. SINE. VLLA. QVERELA. EST. FVNCTVS
 QVO. DEMVM. VALETVDINIS. CAVSSA. ABDICATO
 ANNOS. AETERNOS. IN. MENTE. HABENS
 HOC. MONVMENTVM. VIVVS. SIBI. POSVIT
 INTER. VRBIS. PAROCHOS
 QVOS. SEMPER. HABVIT
 LOCO. FRATRVM. CARISSIMORVM
 VIXIT. ANNOS. . . . M. . . . D. . . . DEPOS. . . . KAL. . . .

In topographica Vesuvianae eructationis tabula.

FERDINANDO. IV. VTRIVSQVE. SICILIAE. REGI. P. F. A
 CAROLI. III. HISPANIARVM. NOVI. QVE. ORBIS. MONARCHAE
 POTENTISSIMI. FILIO. BONARVM. ARTIV. FAVORI. AC
 VINDICI. INTERIOREM. HVNC. VESVVIANI. ORIS. CRATEREM
 ET. CONTINENTEM. MONTIS. CONSPECTVM. AB. EXTREMA. EIVS
 ERVCTATIONE. SEX. KAL. APRILES. ANDREAS. PIGONATIVS
 ARCHITECTVS. MILITARIS. QVOD. VNVM. POTEST. DEVOTI
 ANIMI. MONVMENTVM. D. D. D. L. M. ANNO. REGNI. EIVS
 SEPTIMO

Neapoli.

HEIC. RESVRRECTIONEM. EXPECTAT
 ALBINVS. CASALE. DOMO. DIANO
 CANONICVS. CAPVTAQVENSIS
 QVI. CVM. MORVM. PROBITATE. ET. LITTERARVM. CVLTV
 SATIS. SPECTATVS
 REGENDIS. SEMINARIIS. ALVMNIS. PRAEFICERETVR
 EPISCOPI. SVI. PRIVATAM. PVBLICAM. QVE
 OMNIVM. ADPROBATIONEM. PROMERVIT
 VIXIT. ANN. MENS. DIES. ...
 AD. HAEC. DEIPARAE. CVLTVI. ADDICTISSIMVS
 HOC. IN. SACELLO
 EIVS. NOMINE. ET. AVSPICIIS. INSIGNI
 QVOD. QVINQVAGINTA. AVREIS. AVXERAT
 SVPREMIS. TABVLIS. SEDEM. OSSIBVS. SVIS. DELEGIT
 ERIT. IN. PACE. MEMORIA. EIVS

Neapoli.

ILLVSTRE. HOC. COLLEGIVM
 DEIPARAE. AVSPICIIS. AC. TVTELA. BEATISSIMVM
 VBI. CEREAE. IN. VITIVM. FLECTI. PVELLARVM. AETAS
 OBSTRVCTO. ILLECEBRIS. ADITV
 SIBI. AC. DEO. VIVERET
 N. N. CANONICVS
 AERE. SVO. A. FVNDAMENTIS. FACIENDVM. CVRAVIT
 ANNO. CIOCCCLXIII
 DVM. PASSIM. IN. SYSTES. HOMINVM. GENVS. ABRIPIT. AESTVS
 NOS. PLACIDAE. TVTAS. OTIA. PACIS. HABENT
 NAM. SOLVS. QVI. NOS. POTERIT. SERVARE. BEATAS
 HVC. SVBIT. INTACTAE. VIRGINITATIS. AMOR

Neapoli.

SEPVLCHRV. FAMILIAE, BVRLIS. DE. ARETIO
 IN. EO. SOLVMMODO. COMPONENTI
 EX. VIRILI. STIRPE. DESCENDENTES
 AGNATI. QVE. CVM. SVIS. VXORIBVS
 EX. MVLIEBRI. TANTVM. INNVPTAE
 NON. VERO. QVAE. NVNC. SVNT. NVPTAE. INFERENDAE
 FAMILIA. DEFICIENTE
 NEMINEM. SEQVATVR
 POSTHAC. NVMQVAM. APERIENDVM
 SED. AB. HONESTISSIMO
 THEATINORVM. ORDINE
 CLVSVM. SEMPER. SERVANDVM
 VT. EX. PACTIS. CONVENTIS
 PRID. NON. DEC. ANNO. CIOCCCLXXI

Neapoli.

HEIC. DORMIT. IN. PACE. DOMINICVS. AMATO. DOMO
 MONTEPILVSIO. QVEM. IN. RECINETI. PRIMVM. ADHAEC
 VELITRANO. IN. CAMPANO. DEMVM. VICARIATV. SATIS
 SPECTATVM. BENEDICTVS. XIV. ACERRIMVS. ILLE. AESTIMATOR
 CASTRENSI. CATHEDRAE. PLAVDENTIBVS. BONIS. PRAEFECIT
 IBI. SCIENTIAE. MATVRITATE. MORVM. INNOCENTIA
 EFFVSISSIMA. IN. PAVPERES. LIBERALITATE. CETERIS. DENIQVE
 APOSTOLICI. PASTORIS. ORNAMENTIS. VILlicationem. SVAM
 TANTVM. PROBAVIT. QVANTVM. ILLO. ABEVNT. OMNIVM
 LACRVMAE. OSTENDVNT. VIX. A. LXXIII. M. X. D. IV. SED
 A. XIX. M. IV. D. VI. DEP. IN. P. IV. KAL. QVINCTILES
 CIOCCCLXIX

*In fronte Opusculorum Alexii Symmachi Mazochii
editionis Neapolitanae.*

MARCO. ANTONIO. COLUMNAE

ALLIANENSIVM. PRINCIPI

CAROLI. III

HISPANIARVM. NOVI. QVE. ORBIS. MONARCHAE

AC. FERDINANDI. IV. SICILIARVM. REGIS

INTIMAE. ADMISSIONIS. CVBICVLARIO

QVI. AB. PENITIORI. MVSARVM. CONTVBERNIO

EAM. ELEGANTIAM

MORVM. QVE. SVAVITATEM. EXPRESSIT

QVIBVS. SVpra. AVITA. MAIORVM. DECORA

FACILE. ADSVRGENS

SPECTATISSIMAE. FAMILIAE. PLVS. ORNAMENTI

REDDIDIT. QVAM. AB. EA. ACCEPERAT

QVI. MAXIMIS. ADHIBITVS. NEGOTIIS

PVBlicAM. SEMPER. PRIVATAM. QVE

PRINCIPIS. ADPROBATIONEM. PROMERVIT

IN. INSPRVKIANIS. PRAESERTIM. COMITIIS

LEGATIONEM . SVAM . ITA . CVIVIS . PROBAVIT

VT . NEAPOLITANI . NOMINIS . GLORIAM

APVD . EXTERAS . NATIONES . LONGE . AVXERIT

CVIVS . AMPLA . DOMVS

ATQVE . EGREGIA . LIBRORVM . SVPELLEX

DOCTIS . HOMINIBVS . NVLLO . CONCILIATORE

VLTRO . SEMPER . PATVIT

HVIC . LITTERATORVM . OMNIVM

PRAESERTIM . SYMMACHI . MAZUCHII

AESTIMATORI . AC . MECOENATI

CAIETANVS . MIGLIORE

LATINA . EIVSDEM . ALEXII . OPVSCVLA

SI . MINVS . AB . NVNCVPANTIS

AB . AVCTORIS . CERTE . NOMINE

EI . FVTVRA . IVCVNDISSIMA

CLIENS . PATRONO . BENEMERENTISSIMO

GRATI . ANIMI . MONVMENTVM

D , D



*In fronte Horatii ad usum Delphini
editionis Neapolitanae.*

BERNARDO. MARCHIONI. TANVSIO
FERDINANDO. IV. SICILIENSIVM. REGI
A. SECRETIS. AC. SVPREMIS. CONSILIIIS
INTIMO. EIVS. CVBICVLARIO
AC. TORQVE. AVREO. S. IANVARII. INSIGNITO
AMPLIFICATORI. CONSERVATORI. QVE. REL. NEAPOLITANAЕ
QVOD. CAROLO. PATRI. AC. FERDINANDO. FILIO
REGIBVS. PP. FF. SEMPER. AVGG
FVERIT. SEMPER. CARISSIMVS
QVOD. NEAPOLITANI. NOMINIS. GLORIAM
LEGIBVS. LITTERIS. MAGISTRATIBVS. RELIGIONE. MVNIFICENTIA
APVD. EXTERAS. GENTES. AMPLIFICAVERIT
QVOD. ELEGANTIORES. PACIS. ARTES
PROPOSITIS. PRAEMIIS
AD. PRISTINVM. SPLENDOREM. RESTITVERIT
HORATIANA. ISTHAEC. EPIGRAMMATA
QVAE. SVpra. CETEROS. ILLE
AVREAE. AETATIS. AVCTORES. IN. DELICIIS. HABET
MICHAEL. STASIVS
GRATI. ANIMI. MONVMENTVM
D. D. D. L. M
VT. QVOS. VENVSINVS. IPSE
SVO. SEMPER. MECOENATI
SISTERE. CONSVEVIT. VERSVS
BENEMERENTISSIMI. NEAPOLITANORVM. MECOENATIS
NOMEN. IN. FRONTE. GERANT



Neapoli in Metropolitana Ecclesia.

AVGVSTO. AETERNITATIS. VIATICO
PER. COMPITA. DECENTIVS. DEDVCENDO
SACRAM. HANC. SVPELLECTILEM
PIENTISSIMI
HVIVS. MAXIMAE. CVRIAE. POPVLARES
AERE. CONLATO. F. C
ANNO. CIOICCLXI

Neapoli

Supra Ecclesiae portam extrorsum.

DOMINICO. LANDOLINO
E. TVRRIS. BRVNAE. PRINCIPIBVS
PATRITIO. NETINO
SVPREMIS. MAGISTRATIBVS. GESTIS
RELIGIONE. GENERE. DOCTRINA
COMMENDATISSIMO
PARENTALIA

Ad Ecclesiae fornices introrsum.

I.

DOMINICVS. LANDOLINVS
NE. PAVPERES. QVOS. HABVIT. IN. VITA
CARISSIMOS
VEL. MORTVVS. DESERERET
RARISSIMO. LIBERALITATIS. EXEMPLO
SVPREMIS. TABVLIS. HEREDES. SCRIPSIT. EX. ASSE

II.

QVI. A. PRIMA. AETATE
INTERIORES. LITTERAS. VNICE. FOVERAT
VEL. IN. IPSA. MVLTIPLICIVM
NEGOTIORVM. TVRBA
PERINDE. QVASI. ALIVD. NON. AGERET
IMPENSISSIME. COLVIT

In fronte tumuli temporarii.

SPEI . ET . SECVRITATI . AETERNAE
 DOMINICI . LANDOLINI
 E . TVRRIS . BRVNAE . PRINCIPIBVS
 PATRITII . NETINI
 ROMANI . PVBLICI . QVE . IVRIS . PRVDENTISSIMI
 QVI . GRAVIORVM . CAVSSARVM . PATROCINIIS
 PANORMI . AB . AETATE . PRIMA . SVBACTVS
 IN . PRAETORIS . CVRIA
 IHVIR . STLTIBVS . IVDICANDIS
 AD . HAEC . IHVIR . CAPITALIS
 SINE . PROVOCATIONE
 TVM . FISCALIBVS . CVRIS . PRO . REGIO . AERARIO
 IN . QVE . PARRICIDII . REOS . PRAEFECTVS
 CVM . OPERAM . SVAM . CAROLO . VI . P . F . A
 ET . CAROLO . VTRIVSQVE . SICILIAE . REGI
 SATIS . PROBASSET
 NEAPOLIM . ARCESSITVS
 IN . SVPREMA . PRO . REBVS . SICVLIS . CVRIA
 CONSILIARIVS . CREATVR
 HVIC
 PIETAS . ABSTINENTIA . RELIGIO . COMITAS
 AD . ARDVA . EXPEDIENDA . DEXTERITAS
 EFFVSA . IN . EGENOS . LARGITAS
 CETERAE . DENIQVE . ANIMI . DOTES
 HEV . PAREM . POSTHAC . NON . INVENTVRAE
 PARENTANT
 VIXIT . AN . LXXVII . MENS . VII . DIES . V . HORAS . VII
 ELATVS . OMNIVM . LACRYMIS
 XV . KAL . IAN . CIOICCLXVI

Ferrariae in Curia Consulum ad Victualia.

CVRIAM. HANC. LOCI. ANGVSTIA
 NEC. IVRI. DICVNDQ. COMMODAM
 NEQVE. AEDILIVM. DIGNITATI. PAREM
 MICHAEL. ANGELVS. PROSPERI. IVDEX. SAPIENTVM
 CLAVSO. PORTICV. AC. BINIS. ADIECTIS
 QVAE. PONE. CONTINEBANTVR. CVBICVLIS
 IN. ELEGANTIOREM. DIGNIOREM. QVE. FORMAM
 EX. DECRETO. DECEMVIRVM
 PECVNIA. PVBLICA. AMPLIAVIT
 PROBANTE. FERDINANDO. CARDINALI. SPINELLIO
 VRBIS. AC. PROVINICIAE. PRAESIDE
 AEDILIBVS
 FERDINANDO. COM. TROTTI. SIGISMVNDQ. VESCOVI
 GEORGIO. RONDONIO. FRANCISCO. SERENI
 ANNO. CIOCCCLXXXIX



INSCRIPTIONVM PER CLASSES CONSPECTVS.

CLASSIS PRIMA

DEO, AC SANCTIS DEDICATORVM.

- F*errariae in Metropolitano templo ad Deiparae
effigiem pag. 15. 16.
Neapoli in Vairorum villa de restituto ibi Sacello p. 39.
Neapoli ad Moniales Sancti Ioannis de Livia Spi-
nellia claustrum ingressa 39.
Herculani ad Dominicanorum aedem de refecto, or-
natoque Templo 40.
Neapoli in Pessetorum villa de erecto, ornatoque Sacello 41.
Hydrunti in Regno Neapolitano pro restitutis antiquo
cultui patriis Martyribus 42. ad 46.
Neapoli ad aedem Divi Laurentii ob natam Regi
Primogenitam 47.
Temporarii Curiae Portuensis Neapolitanae tituli in
sollemni Divi Ianuarii Martyris Supplicationum
pompa 49. 50.
Temporarii Curiae Portae Novae Neapolitanae pro
eadem pompa tituli 52. 53.
Neapoli ad aedem Divae Birgittae pro Neapolitana
Legione IX. Regii Italici anniversaria vota. 63. 66.
q 2

<i>Brundusii in Lucania ad sacra Laurentii Martyris Lipsana</i>	69.
<i>Neapoli pro Sodalitio sub Divi Antonii nomine ver- tentis anni vota</i>	82.
<i>Neapoli in Metropolitana Ecclesia pro sacra supel- lectile servanda</i>	119.

CLASSIS SECVNDA

PVBLICORVM, PRIVATORVMQVE OPERVM.

<i>In vestibulo Orationis editae Ferrariae pro sollemni Studiorum instauratione</i>	1.
<i>In adventu PII VI. ad Ferrariense Archigymnasium</i>	2.
<i>Ferrariae ad aedem Divi Dominici pro adventu PII VI.</i>	3.
<i>Ferrariae in Sodalitio ad aedem Divi Dominici pro adventu PII. VI.</i>	4.
<i>Ferrariae in Ecclesia Metropolitana pro Eñi Matthaei inter Cardinales adlectione</i>	5.
<i>Ferrariae ad Divae Annae aedem ob auctum novis reditibus a Pio VI. Nosocomium</i>	6.
<i>Ferrariae ad aedem Divi Benedicti pro adventu PII VI.</i>	7.
<i>Ferrariae ob ampliatum Praetorium</i>	7.
<i>Lugi in Romandiola ob excitatum pro Nundinis aedificium</i>	8.
<i>In fronte Argentani Statuti Ferrariae editi Franci- sco Card. Carafae Dedicatio</i>	9.
<i>Pro publica Philosophiae Disputatione Lugi habita</i>	10.

<i>Ferrariae in Foro vulgo Piazza Nova ad basim columnae Alexandro VII. positae</i>	11. ad 14.
<i>Parmae ad aedem Divi Dominici ob extractum a fundamentis Coenobium</i>	15.
<i>Ferrariae in Nuptiis Laurentii Rondinellii cum Celtrude Gnudia</i>	17. ad 20.
<i>Bondeni pro Ferrariensi Brcphotrophio</i>	28.
<i>Sub effigie Antonii Saracinellii</i>	29.
<i>Ferrariae in domestica Auctoris Bibliotheca</i>	29.
<i>Ferrariae in Metropolitana sub effigie Eñi Giraudii</i>	30.
<i>Neapoli in aede Fagoniorum familiae ad antiquam Neronis statuam</i>	55.
<i>Pro missis Francisco Comiti Marescalchio hendecasyllabis</i>	57.
<i>Pro missis Marco Raspio hendecasyllabis</i>	60.
<i>Pro missis Laurentio Fusconio hendecasyllabis</i>	63.
<i>Neapoli in suprema Regiae Camerae Curia</i>	70.
<i>E regione Diatribae Alexii Symmachi Mazochii in Auctoris Bibliotheca</i>	72.
<i>Fortunatae Sulgher Fantastici Epigrammatum donum</i>	73.
<i>Neapoli Dominico Cattaneo ob completam Regis educationem</i>	78.
<i>Publicae Disputationis in Abellinensi Vrbe habitae Dedicatio</i>	81.
<i>Hieronymo Ferrio Carminum donum</i>	83.
<i>Ob exhibita Pontifici ab Auctoris amico Numismata</i>	97.
<i>Sub effigie S. Cassiani Comaclensium Patroni primarii</i>	99.
<i>In fronte Diatribae Romanis typis edendae</i>	102.

<i>Sorae in Regno Neapolitano publicae Disputationis</i>	
<i>Dedicatio</i>	104.
<i>Iulio Perinio Epigrammatum donum</i>	105.
<i>In topographica Vesuvianae cructationis Tabula Nea-</i>	
<i>poli edita</i>	113.
<i>Neapolì ob erectum novum Collegium</i>	114.
<i>In fronte Opusculorum Alexii Symmachi Mazochii</i>	
<i>editionis Neapolitanae</i>	116.
<i>In fronte Horatii ad usum Delphini editionis Nea-</i>	
<i>politanae</i>	118.
<i>Ferrariae in Curia Consulum ad Victualia</i>	121.

CLASSIS TERTIA.

AD FVNEBREM REM PERTINENTIVM.

<i>Ferrariae in tumulto Clementis Mosti</i>	23.
<i>Centensi in Vrbe ad aedem Divi Blasii in tumulto</i>	
<i>Philippi Montefortii</i>	24.
<i>Ferrariae ad aedem Divi Gregorii in tumulto Septi-</i>	
<i>mii Cedri</i>	25.
<i>Ferrariae in Aula Intrepidorum in funere Alphonsi</i>	
<i>Varani</i>	26.
<i>Ferrariae in Metropolitana Ecclesia in funere Al-</i>	
<i>phonsi Varani</i>	27.
<i>In Vico Vigarani a Mainarda Ferrariensis ditionis</i>	
<i>in tumulto Antonii Fornari</i>	27.
<i>Ferrariae ad aedem Divi Stephani in tumulto Aloy-</i>	
<i>siae Gaddiae</i>	28.
<i>Romae in tumulto Iulii Mariae Zaffarinii</i>	30.

<i>Ferrariae ad aedem Sancti Spiritus in tumulo Musae Brasavolae</i>	31.
<i>Ferrariae in Ecclesia Mulierum Cappuccinae familiae in tumulo Laurentii Soderinii</i>	31.
<i>Ferrariae ad aedem Divi Pauli in tumulo Angeli Felici</i>	32.
<i>Ferrariae ad aedem Divi Dominici in tumulo Galeatii Fiaschi</i>	33.
<i>Neapoli in funere Iosephi Crivelli</i>	33. 35.
<i>Neapoli in funere Gerardi Carasae</i>	36. 37. 38.
<i>Neapoli in tumulo Dominici Neapolitani</i>	40.
<i>Geutilitium Pessettae familiae Neapolitanae Hypogaeum</i>	41.
<i>Martorani in regno Neapolitano in tumulo Leopoldi Medici Gatti</i>	47.
<i>Neapoli in tumulo Antonii Leuzzi</i>	48.
<i>Neapoli in tumulo Severi Carmignani</i>	54.
<i>Neapoli ad aedem Divi Francisci a Paula in funere Cajetani Branciforti</i>	56.
<i>Neapoli ad aedem Divae Birgittae pro Legione IX. Regii Italici anniversaria piacularia</i>	66. 67.
<i>Neapoli in tumulo Antonii Genuensis</i>	68.
<i>Neapoli Hypogaeum familiae de Vrso</i>	71.
<i>Neapoli in funere Sylviae de Marra</i>	80.
<i>Romae in tumulo Annae Mariae Maviliae</i>	82.
<i>Neapoli in Coenobio sub titulo Reginae Coeli in funere Sylviae de Marra</i>	98.
<i>Neapoli in tumulo Dominici de Almarza</i>	100.
<i>Romae in tumulo Dominici Iordani</i>	113.

<i>Neapoli in tumulo Albinii Casale</i>	114.
<i>Neapoli in Hypogaeo familiae Buralis de Aretio</i>	115.
<i>Neapoli in tumulo Dominici Amato</i>	115.
<i>Neapoli in funere Dominici Landolini</i>	119. 120.

CLASSIS QVARTA

EORVM, QVIBVS POSITAE SVNT
INSCRIPTIONES.

<i>Albinio Casali</i>	114.
<i>Alexandro VII.</i>	11.
<i>Aloysiae Gaddiae</i>	28.
<i>Alphonso Varano</i>	26. 27.
<i>Angelo Felici</i>	32.
<i>Annae Divae</i>	39.
<i>Annae Mariae de Vrso</i>	71.
<i>Annae Mariae Maviliae</i>	82.
<i>Antonio Divo Patavino</i>	82.
<i>Antonio Fornari</i>	27.
<i>Antonio Genuensi</i>	68.
<i>Antonio Leuzzio</i>	48.
<i>Antonio Musae Brasavolae</i>	31.
<i>Antonio Saracinellio</i>	29.
<i>Bernardino Card. Giraudio</i>	30.
<i>Bernardo Marchioni Tanusio</i>	118.
<i>Bibliothecae Auctoris</i>	29.
<i>Brephotrophio Ferrariensi</i>	28.
<i>Cajetano Bran-afortio</i>	56.
<i>Celtrudi Gnudiae</i>	20.

<i>Clementi XIV.</i>	7. 97.
<i>Clementi Mosti</i>	23.
<i>Deo O. M.</i>	47.
<i>Deo Vni, Trinoque</i>	44.
<i>Deiparae Virgini</i>	15. 16. 65. 66. 114.
<i>Dominico Amati</i>	115.
<i>Dominico Cattaneo</i>	78.
<i>Dominico de Almarza</i>	100.
<i>Dominico Iordano</i>	113.
<i>Dominico Landolino</i>	119. 120.
<i>Dominico Neapolitano</i>	40.
<i>Dominico Venuti</i>	72.
<i>Ferdinando IV. Parmensium Duci</i>	15.
<i>Ferdinando IV. Siciliae Regi</i>	70. 113.
<i>Fortunatae Sulgher Fantastici</i>	73.
<i>Francisco Card. Carasae</i>	8. 9. 10. 14. 99.
<i>Francisco Marescalchio</i>	57.
<i>Galeatio Fiaschi</i>	33.
<i>Gerardo Carasae</i>	36. 37. 38.
<i>Herculi I. Atestino</i>	12.
<i>Hieronymo Ferrio</i>	83.
<i>Hydruntinis Martyribus</i>	42. ad 46.
<i>Ianuario Divo</i>	49. ad 53.
<i>Iosepho Crivellio</i>	34. 35.
<i>Iulio Mariae Zaffarinio</i>	30.
<i>Iulio Perinio</i>	105.
<i>Laurentio Fusconio</i>	63.
<i>Laurentio Martyri</i>	69.
<i>Laurentio Rondinellio</i>	17. 18. 19.

<i>Laurentio Soderinio</i>	31.
<i>Lazaro Opitio Card. Pallavicinio</i>	102.
<i>Legioni IX. Regii Italici Neapolitanae</i>	66.
<i>Leopoldo Medici Gatti</i>	47.
<i>Liviae Spinellae</i>	39.
<i>Marco Antonio Card. Columnae</i>	80.
<i>Marco Antonio Columnae Allianensium Principi</i>	116.
<i>Marco Raspio</i>	60.
<i>Marino Caracciolo</i>	81.
<i>Muscatae familiae</i>	71.
<i>Neroni Claudio Caesari</i>	55.
<i>Pessettorum familiae</i>	41.
<i>Philippo Montefortio</i>	24.
<i>Pio VI.</i>	1. 2. 3. 4. 5. 6. 7.
<i>Rinaldo Santomango</i>	104.
<i>Septimio Cedrio</i>	25.
<i>Severo Carmignano</i>	54.
<i>Sigismundo Card. Chisio</i>	13.
<i>Suppellectili Sacrae servandae</i>	119.
<i>Sylviae de Marra</i>	80. 98.

CARMINVM INDICVLVS.

<i>De lepidissimo Comitissae Francisci Marescalchii Catullo, quem ille vespertinis horis ad Eñum Legatum secum ducere solet. Hendecasyllabi</i>	57.
<i>In Nuptiis Cajetani Raspii, et Lucundae ex Comitibus Pellegrinae. Hendecasyllabi</i>	60.
<i>De Virgine claustrum ingressa. Hendecasyllabi</i>	63.

<i>De Marii Soranzii a Salvi Praefectura in patriam reditu. Iambicon</i>	73.
<i>De Scipara sine labe concepta pro Neapolitana Alethina Colonia. Hendecasyllabi</i>	74.
<i>De Isidoro Antoniano domo Aquila, dum sacris ini- tiaretur ordinibus. Hendecasyllabi</i>	75.
<i>In obitu Ioannis Capycii Episcopi. Hendecasyllabi</i>	76.
<i>Optimo nostri temporis poetæ Camillo Zampierio de Rondinellii nuptiis. Hendecasyllabi</i>	77.
<i>In Ferrariensi apud Virum Cl. Iacobum Agnelli Academia. In hoc Signo vinces. Ode</i>	83.
<i>In Nuptiis Rodulphi Varani, ac M. Magdalenæ Zanardiae. Elegia</i>	86.
<i>Ob restitutam Sedi Apostolicæ Avenionensem Di- tionem Arcadici Conventus in Luco Parrhasio gratulationes. Carmen</i>	89.
<i>Ob restitutam Pio VI. Salutem. Ecloga</i>	91.
<i>In obitu Marchionis Nicolai Fraggianni. Epigramma</i>	94.
<i>In Nuptiis Gerardi Carasæ, atque Helenæ Serræ. Hendecasyllabi</i>	95.
<i>In Nuptiis Iulii Scacernæ, et Annæ Ricciæ. Epigramma</i>	105.
<i>In Nuptiis Laurentii Rondinellii, et Celtrudis Gnu- diæ. Epigramma</i>	106.
<i>In idem. Epigramma</i>	106.
<i>In mortem Lucretiæ Agujariæ. Epigramma</i>	107.
<i>Ingenuæ artes ad Pium VI. Pontificem Maximum. Epigramma</i>	108.
<i>Ob restitutam Phyllidi salutem. Epigramma</i>	108.

<i>Ad Phyllidem, cui inexpectatus ex ore sanguis effluxit. Epigramma</i>	108.
<i>Phyllis e balneo. Epigramma</i>	109.
<i>Phyllidis effigies. Epigramma</i>	109.
<i>Sub Phyllidis imagine. Dysthicon</i>	109.
<i>De Pictae tabulae lineamentis, quae Mengsius sub mortem incompleta reliquit. Dysthicon</i>	109.
<i>De V. Cl. Iacobo Agnellio pro ejus Poëmate de Christo Redemptore. Dysthicon</i>	109.
<i>Borussiae rex de novo in sui laudem Poëmate. Epigramma</i>	110.
<i>Ad Marchionem Salvatorem Spiriti pro egregio de Machina Electrica Carmine. Epigramma</i>	110.
<i>In funere Isabellae Mastrilli maximae sui temporis vatis. Epigramma</i>	111.
<i>Ad Vesuvium. Epigramma</i>	111.
<i>Hieronymus Ferrio Cajetano suo. Epigramma</i>	112.
<i>Cajetanus Migliore Hieronymo suo. Epigramma</i>	112.



KONSERVIERT DURCH
ÖSTERREICHISCHE FLORENZHILFE
WIEN 1967

00566 2100

